

KUMBATA NA KULUKULULA



Echa tunongamenu mitwe yetu hatando mangana tulombe. Tata Wamwaza Chikuma, etu kusakwilila Ove kumona echi chimene echi halusesa lwa kupwa hano muli yino zuvo, kuliwana na vyuma vyasolokele vya lize likumbi. Oloze etu tunahono kutachikiza chumamuka likumbi likwechi, oloze etu tunatachikiza Hiya akwata eli likumbi. Shikaho etu twalombo nge Ikiye Ou akwata lelo na hamene, na Hayamyaka, mwaya nakutukisula lelo shimbu etu natukunguluka hamwe mu Lijina Lyenyi, mangana etu tutachikize kanawa mwakuyoyela nakumulwila Ikiye. Echi chikiko kuzalila chakujina chetu, Tata. Kalunga, Hiya natachikiza michima yetu, kutachikiza echi nge unapu muchano. Etu twalikuji etu vavene kuli Ove, na—na chihanda cha lutwe cha lino likumbi, ha mulimo Wove, mu Lijina lya Yesu Kulishitu. Amena.

² Twamenu. (Ngwasakwila. Hano hali umwe mukwavo hano.)

³ Chimene chamwaza, kulikungumbuwa liko neli lyakuhona kumona mulifuchi lyosena kuze etu tunakwachila chimne chino. Echi cheji kunguhana lisesa lyakwiza hano nakuhanjika chimene echi hamutwe waunene. Kulikungumbuwa liliko, echi chnapu vene chimbalanganyi chindende, mwomwo kuli kaha kupwa kumeso ami kuli lihina lyakutasana, jino Ngunapu nakuhanjika kuchilyo na kuchimoswe. Kaha kulikungumbuwa lyakuhona kumona, Ngukwechi zuvo yayinene kuchilyo chami, kaha nawa muzuvo yakulilongesa kuchomoswe; kaha Nguli hamavu, na mahina akuvatasana, kusokoloka mukachi, kulinga livoko lyachilyo na chimose. Kaha etu tunazeye, chimene chino, kuhichila muzuvo yayinene, nawa, zuvo yakuhemana, kaha nawa liuka, liuka kushikumuka mujila ya Eighth Penn Street. Kaha muze muvihela vya mujisenge, jijila ja shinga kuhanjika nakushikumuka kuvihela vyeka.

⁴ Etu twapwilenga na lwola lwalunene muli Mwata, kaha etu tuli mwishi ya kujina chachinene cha kuzata na chimene chino. Kaha jino ufukuuno kupwa lwola lwakusoko lwa makumbi awana akwambulula, mwomwoika, etu punduvene tunetavila vosena, vaze vanahase, kupwa hano. Etu tuli nakufwelela nge Mwata mwaya nakuhana kujindama chachinene ufukuuno ha kulinga chuma chimwe chili chakulimanyina, kufwana nge Ikiye mwaya nakuhindula va kakuviza vosena nakulinga vyuma vyavinene nge Ikiye mwaya vene nakulinga. Kaha etu tuli mwishi ya kulinunga chachinene cha chingoloshi. Likungumbuwa vanalitavila, kalamuthu, kala liuka lya kala chikungungulwilo. Ove kawatela kupwa Mukakulishitu; etu punduvene tuli nakusanyika vakashili kwiza, na kutwama mukachi ketu. Kaha etu kulinga mwetu mwosena

mwakunangula vakiko jila chumamuka ya Mwata, nge etu twahase kuyoya.

⁵ Jino Ngwatalilila nge likungumbuwa kalyeshi kupwa lyakulizakaminako. Kaha Ngulinakufwelela kuli Kalunga nge Kangweshi kuhasa kupwa wakulizakaminako, mwomwo Ngwapwilenga na maufuku amwaza, nakuzeya chachinene. Mwomwo Ngunatachikiza nge vyuma vize Ngwahanjikanga na chimene navaya nakupwa nacho muli yami muli Likumbi lya Kusopesa, kaha Kangwa—Kangwahashile kusavalako, kaha Ngunatachikiza kachi Kangweshi nakuhanjika hali vakiko nachiya nakupwa hali yami mu Likumbi lya Kusopesa. Shikaho echi chinalingisa kupwa chachikaluu, enu kamweshi kuhasa kulumbununa echiko.

⁶ Kaha jino chimene chino unapu mutwe waunene etu kuhanjika ha *Kumbata Na Kulukulula*. Kaha mulonga Ngwachinganga ha shikola ya Chalumingo, shikaho nge etu twatela kuhanjika hali echi na kumbata lwola lwetu, kachi kunangula mujimbu hali echi. Chinapu kunangula kufuma mu Chisoneka.

⁷ Kaha Ngwa—Ngwatondo kuhanjika echi, kachi kala mukakuzata mokomoko vakakuzata, kala chihela, kachi eyi tepu nayikaholokela mumavoko avo, kachi etu natusuula eyi tepu. . . Ngunahono kutachikiza nge liuka muka naliya nakulinga echi. Ngulinakuhanjika hali Ndumbu walunga Fred kumona lizavu lya liuka shimbu kanda ikiye asuule eyi tepu. Kaha kuli enu vathu muli mulifuchi, mukwechi makina akukopa, mwane kanda kwecha eyi tepu kuvangila kuya enu namwivwa kufuma kuli Ndumbu walunga Sothmann hali echi.

⁸ Jino, kaha kachi natuyecha, kaha kala vandumbu vakakuzata, mokomoko kala Mukakulishitu kwosena, uze nahase kukana ha vyuma nge Nguli nakuhanjika hali ou mutwe, Nguna—Nguna fwelela nge enu kamweshi kuya nakutoleka Echiko. Kachi enu kamwevwashishileko Echi mujila nge Ngunangwila Echi, chamwaza, enu muli nalisesa lya kuze, nge kupwa mukakuzata, nge kafunga. Kaha Ngunalemesa kala chuma chize enu mwafwelela.

⁹ Kaha kuli mashikola amanene avali hali echi. Kaha kachi kuli vihula vivali, kuli pamo umwe mulivakiko kupwa wakwoloka, mokomoko umwe wavo. Shikaho etu tuli nakuya nakweseka kutala ku Lizu lya Kalunga, chimene chino, kukumisa echi. Kuli yami, kachi echi chili Mbimbliya eyi Mbimbiliya punduvene eli nakukumbulula kuli echi.

¹⁰ Kaha shimbu kanda etu tupwenga nevi, kuputuka ou mutwe wachihande, pamo, shimbu Ngwalombele hali eli Lizu, Ngwatondo kusolola kuli enu vosena, nge Nguli. . . enu Vakakulishitu chikumanyi, nge Kufwila. . . Ngwa—Ngwakitonda enu mulombelenu chimene chino. Kaha vosena

kupwa mulizavu lyakuhona kumona chize kwivwulila mu chimene chino, ngulombelenu, mwomwo Ngwatondo kupwa wakushishika na muchano.

¹¹ Jino etu tunatachikiza, mukutunga eyi mijimbu, mthuumwe, kachi chili mthuumwe, mwaya nakusukama hali Echi nge ngana Echi chili mukachi ka kuyoya na kufwa. Muli enu vavavulu hano namukaya nakufwelela. Mukiko, vavavulu muli enu, pamo, kamweshiko. Oloze Ngunatachikiza, mu milimo yami, muli vathu vaze veji nakwivulila kuli yami, kaha kwivulila kuchuma Nguli nakuya nakuhanjika; kufuma, chamwaza, vakiko vanatwame hano chimene chino, mukayekose, vavavulu kufuma mu United States, Canada, na musali yatungalwiji. Kaha enu munahase kushinganyeka muyachi uze vanahake hali enu, kutachikiza nge makumishilo amuthu mu Hayamyaka chili mumavoko ove, mwomwo ikiye alinakuya nakukwachilila kuchuma echi ove muhanjika. Shikaho Kalunga mwakaya nakukumbulula hali echi, kaha Ngwatondo kupandama kuli echi nakushishika nge omu Ngunahashila.

¹² Jino Nguli—Nguli nakuhula vandumbwetu vamaapwevo. Kaha Ngwahanjikanga mazu amwe shikaho Ngunahase kuhanjika echi kumeso enu. Billy apwile nawo mumboloso, chimene echi, kuweluka, vyuma vimwe vize kaveshi kuhanjika shimbu kanda na—na lizavu lyakulifutula. Kaha vamwe vaze Ngwapwile vene nakuya nakuhanjika, ove watela kwivwushisa. Kumbata echi kufuma—kufuma kuli ndumbwenu, mukuwaha chize Ngunatachikiza. Enu munahase kutwama mu ufwishi ya ndotolo na kwivwulila kuli ikiye, ikiye kachi mwahanjika mazu hatoma to kuli ove. Kaha vamwe enu mapwevo vakalemesa vavakweze na malunga vavakweze, Kangwazangile enu kupwa nakushinganyeka vyakuhingika. Ngwatondo enu kufwelela, kaha kutwama kulunguka. Anuka, Muchano watela kuputuka Muchano.

¹³ Kaha, jino, kukakasana chauchi oloze nakukaya nakupwa vavavulu muli enu kukana na echi navaya nakuhajika, oloze Ngwatondo kwinjikiza echi kuli enu na Mbimbiliya. Kaha jino Ngwafwelela, kachi enu namuya nakupwa mukalemesa na kwivulila, jino ove muya nakupwa nakwivwushisa chambwende na kwitavila chumamuka Ngunapunga nakuvetaho, lwola lwosena. Ngwafwelela echi nachiya nakulumbununa echi, kaha Ngwafwelela nge echi nachiya nakulingika.

¹⁴ Jino etu tunahse kupwa hahasuku chindende, kupwa haola na chimbwa, mokomoko kushimbula, hali echi. Ngunahono kutachikiza omu naushimbula.

¹⁵ Kaha jino cheka, Nanguya nakuhanjika hali echi, mulwola luze, nge kutachikiza vathu kukwachilila ku mazu enu; vakiko veji kulinganga, kuli pashita yavo. Kaha, mukiko vene, Ngunapunga pashita.

¹⁶ Kaha vakiko vatwamine na kukwachiila kumazu a pashita, nge omu chapwile mukachi ka kufwa na kuyoya. Vakiko vatwamine na mazu avo a kapilishitu kavo, chochimwe nge kufwa na kuyoya. Kaha mukiko vene, pashita, pamo na vyosena vize ikiye natachikiza mwakulingila, ikiye kunangula vathu jenyi kupwa kaha vene nge vapwilenga nakunangula mumashikola; kukakasana chauchi chumamuka kapilishitu, nawa, mu kulifukula chakuhandunuka vapwilenga na tupilishitu. Mukiko vene, pashita vene napu kapilishitu; apwile mukakwimanyina. Shikaho, kachi kapilishitu, muli vyosena vize ikiye anangwile mukupwa chenyi, mukunangula na mumazuvo avyuma vyeka na vyeka, muthu na kushishika chakufuma kwishi yamuchima chili nakukulweka vene chumamuka ikiye anangwile.

¹⁷ Chamwaza, jino, Kangweshi na kupwa na kala kulinangula chakutachiza mokomoko zuvo ya vyuma vyeka naeka, kaha chumachimwe hali vyosena, oloze Nguli na chiyoyelo chakulipwila.

¹⁸ Vangusanyikile omwo Ngwapwile kaha kanyike walunga wamundende. Kaha muli chize chasolokele, chinjikizo chakwivwakana vanguhanyine, na—na Panda ya mulangi wa Kakahya kusukama mumusenge, ha myaka ya seveni yakusemuka, hano vene mu Utica Pike. Tata yami apwilenga nakuzachila Mukulwane O. H. Wathen uze kashimbwileko na kufwa. Kaha enu mwatanga mukanda kana, munatachikiza uze mujimbu. Kaha kufuma haze lwola luze. . . Kuze kukalwiji kahajino Echi chasolokele kumeso avathu. Kaha jino Echi chili chifwanyisa vambachile, lwola lwaluvulu, kaha echi chili nakusukuma mu Washington, DC, kupwa chifwanyisa, mu Religious Hall of Art, nge kupwa kaha Kupwa waukalunga uze apwilenga vene wakwinjikiza kupwa wakufwatula; hamwe na Panda ya mulangi wa Kakahya, kupwa vene nakusoloka mwomumwe na kala jila, ize yanehela Isalele kulovoka mu Ejipitu. Ngwafwelela Napu Yesu Kulishitu muchifwanyisa cha Shipilitu, mu Umwana wa Kalunga.

¹⁹ Mwomwo Ikiye vamuvulukile “Mwana muthu” omwo Ikiye ejile chatete, jino Ikiye vanamusanyika “Mwana Kalunga,” mu Likombakaji Ikiye mwakaya nakupwa “Mwana Ndavichi.” Ikiye ejile Mwana muthu, Kapolofweto, nge muze ahanjikile muli Ikiye; jino Ikiye napu Mwana Kalunga, mu ngolo jaukalunga; mu Likombakaji lyalinene lize lili nakwiza, Ikiye mwaya nakupwa Mwana Ndavichi, mwakatwama ha litanda lya Ndavichi. Nge Mbimbiliya yosena vakakutanga kutachikiza nge chize chapwilenga lushiko lwa Ndavichi na Kalunga, kuli Ndavichi, Ikiye mwakakatula Mwana nakutwama ha litanda.

²⁰ Kaha jino mukusehewa, mulimo wakulimanyina, Vananguvuluka vyuma vyosena kufuma ku “Kalunga” na kuli

“liyavolo.” Kaha echi, kupwa kaha lwola lwosena chapwa mujila kana.

²¹ Omu mukiko uze mukulwane wa mambishopu wa liuka lya Katolika ahanjikile kuli yami ufuku ukwavo kuze, mukiko chapwile jize kushikumutwila, nge ikiye ambile ngwenyi, “Ndumbu walunga Branham, Yowano Mukakujimika alisolwele hatoma to lyavene mu Visoneka, nge kuhanjika kuhichila muli kapolofweto Isaya.” Ikiye ngwenyi, “Mulimo wove unapu wakusolola mu Liuka.” Ikiye ambile ngwenyi, “Va Luteleni vali mu Mbimbiliya.” Ikiye ambile ngwenyi, “Vatuleni vatachikijile Luther. Vakawesley atachikijile Wesley. Oloze ngachilihi va Pendekosita?” Ngwenyi, “Vakiko vali vakukimbwojoka. Vakiko kavatachikijileko noku kwakuya.”

Kaha Ngwambile ngwami, “Mwane, Ngunasakwilila ngachize.”

²² Kaha lwapwile lwola luze Shipilitu yaholokele hali uze pwevo wakalemesa, kanda lyehi ngumone yami, pwevo lyenyi . . . kaha kuhanjika na kusolola vyuma vyovimwe.

²³ Jino, kupwa wakushishika, shimbu kanda ou Mujimbu Nanguhanjika chimene chino, Ngunahono kutachikiza. Ngwamulwekele ikiye, Ngwambile ngwami, “Mwane, Kangwawashile kuhanjika nge ngachizeko. Chize chinapu chuma chimwe chachinene kuhanjika. Echi chinasoloka nge chikiko.”

²⁴ Chuma chimwe chize Ngwatachikiza, nge kuli chumachimwe chinambate chihela, chivene. Vyuma vyosena, kaha, echi chinapu vene cha kwinjikiza na sayasi, kaha chakwnjikiza nakujinguluka na kujinguluka mukaye, echi kacheshi kaha chishimoko. Ou unapu Muchano. Chuma muka echi? Echa nguhanjike, kuchihanjika vene, shimbu Nguhanjike kuli enu chimene chino, Ngunahono kutachikiza. Kaha Kangweshi kweseka numba kutambukako palanga Ngwevwile kufuma kuli Ikiye nge atela kuhanjika kuli yami kunyima okwo kaha angulwekele vyuma kana.

²⁵ Anuka, Mwata wetu Yesu Kulishitu kanda lyehi alisolola Lyavene kupwa Mwana Kalunga. Ikiye ambile ngwenyi, “Ove wahanjikile nge mukiko Ngwapwile; nakumakumishilo Ngwasemukilile,” kaha vyangocho, oloze Ikiye kalisolwele Lyaveneko.

²⁶ Kaha, jino, ize yapwile Panda ya mulangi wa Kakahya yize twaminyinenga vana va Isalele, apwile Mwata Yesu Kulishitu muchifwanyisa Shipilitu, (enu mwafwelela chize?), ize Longosi ize yalovokele muli Kalunga.

²⁷ Kaha jino omwo Ikiye apwilenga hano hamavu, Ikiye ngwenyi, “Ngwafuma kuli Kalunga, kaha Nanguya kuli Kalunga.” Etu vosena twatachikiza chize.

²⁸ Kaha hanyima yakufwa Chenyi, kufunda, na kusanguka: Saulu wa ku Tarsus apwilenga mujila yakushikumuka ku Ndamashiku, kuya nakuyajiwisa va—va Kakulishitu, mwomwo vakiko vapwilenga nakunagula vyuma vyakulimbakana na vyuma vakiko vavanangwile. Kaha ikiye apwilenga liswalale wamunene; mwishi ya Gamaliel, umwe uze mulongeshi wakulimanyina walize likumbi, muze mushikola yavo, mujizuvo javo ja vyuma vyeka na vyeka; kaha chindume wamunene, kaha mukakuzata muliuka. Kaha kwapwile kuze Kumunyika chachinene, ize Panda ya mulangi wa Kakahya cheka, kumukwata ikiye, mukachi ka likumbi. Kaha Lizu ngwalyo, “Saulu, Saulu, ika uli nakunguyanjisa ove Yami?”

²⁹ Jino kachi enu namutalisa omwo Paulu, Saulu, akatukile, ikiye ambile ngwenyi, “Mwata, Ove Hiya?” Jino, uze kanyike walunga, hakupwa ka Yuleya, ikiye kachi vene kahashile kuvuluka kalachumako, kuvangila chinapu chuma chimwe cha chinjikizo cha Kalunga, ikiye kachivulukile kupwa “Mwata.” Shikaho, Yapwilenga Panda ya mulangi wa Kakahya yoyimwe.

³⁰ Nge omu ahanjikile Yesu, “Nanguya kuli Kalunga. Ngwafuma kuli Kalunga, kaha Nangukinduluka kuli Kalunga.”

³¹ Apwile Ikiye kuze, kunyima muchifwanyisa cha Panda yamulangi wa Kakahya cheka; Ikiye ambile ngwenyi, “Yami Yesu Ou ove ulinakuyanjiwisa; kaha chinapu chachikalu ove kuveta mumisomo.”

³² Kaha etu tunatachikiza nge omwo uze Kapositolo Petulu, uze vaselele jisapi jakutungisa Liuka, etu tunawane nge ikiye apwilenga mukamenga, kaha eyi Panda yamulangi wa Kakahya yeyile nge panda, kusokolola vikolo vya kukamenga, kaha kulovolamo Petulu, mukukomwesa, chakuzeneka numba kunyikisa uze malonda. Kuli yami, Ali Yesu Kulishitu youmwe zau, lelo, na hayamyaka.

³³ Kaha jino enu namukapwa lwola lwosena kutachikiz kalachuma ha chisemwa cha echi. Kalachuma vachijivila ha chisemwa chacho, mihako nayisolola. Kaha Ngwamihulile enu kutala muyachi wa muhako Ou unasaloka, echi Kumunyika chinapu Kalunga, mwomwo Echi lwola lwosena cheji kukinduluka ku Lizu lya Kalunga, kaha kwinjikiza eli Lizu lya Kalunga, kunangula eli Lizu Lya Kalunga, kaha Kalunga kwinjikiza nge Lizu lilivene kumeso enu. Kuze kwatela kupwa chumachimwe kunyima ya Echi.

³⁴ Vathu vangusanyikanga kupwa kapolofweto. Kangwalivuluka amilyavene kupwa kapolofwetoko, mwomwo Kangweshi kuhasa kulivuluka ngachizeko, oloze Ngunapu. . . Kuhanjika, Ngulinakuhanjika echi, nge Mwata netavila yami kumona vyuma kana, kwambulula vyuma vize navikasoloka, kusoloka, vili nakusoloka, kaha keshi lwola lumwe chahona lyehiko, mujiola ja teni sauzande. Vyuma vyosena vize

Ikiye ahanjikile naviya nakusoloka, chasolokele. Etu vosena tunatachikiza chize. Kachi kuli muthu muli lino likungumbuwa chimene chino, mokomoko kwosena okwo, nahase kuhanjika nge lwola lumwe chahonene, ove uli wa kukasunuka kwimana na kuhanjika ngocho. Oloze kachi vathu vosena vatachikiza nge lwola lwosena, ha jiola ja sauzande, chinapunga lika chakukupuka, hanjika, “amena.” [Chikungulwilo ngwacho, “Amena!”—Muka.] Talenu? Shikaho echi nachiya nakupwa chochimwe na mukaye.

³⁵ Chumachimwe chili kaha nakusoloka. Kalunga kanda lyehi atume vyuma kana chakuzeneka kupwa punga kunyima ya chize.

³⁶ Ngwapwilenga nakushinganyeka hano. Ngwahakile echi hano, kusoneka chami chimwe. Echi Nguli nakuwala chino chimene, na machikafu... Kaha vavavulu muli enu mwevwa lyehi chize kutambuka cha tanganyika, Jane Russell, kaha naye apwile ka Pendekosita; kaha Danny Henry uze apwile musonyenyi, musnyenyi watete, mwana songo ya naye. Ikiye apwile ka Mbaputishiti. Ikiye apwile nemana kuze kukuliwana, cha Business Men meeting mu Los Angeles, California, mwahichi myaka yivali.

³⁷ Kaha Ngwahichile mukuhanjika cha chinene, changolo, kuhanjika changolo, chize numba vaze tulama, umwe kalama wamukulwane wa Assemblies of God, kwiza kukamenga kufuma muze musenge kuze ikiye atwaminenga, kaha ikiye ngwenyi, “Kangwa fwelela nge Ndumbu walunga Branham atwalanga omuko.”

³⁸ Ngwambile ngwami, “Ngwatwalanga muli echi, mwane. Echi chinapu MUKIKO MWANAMBE MWATA.” Kaha, jino, echi chapwilenga ha liuka mu chisemunuino.

³⁹ Kaha ha lwola luzu, ou mukweze walunga ali mukakusekasana... Ndumbwenyi walunga apwile kuze... apwile kuze kumbata chifwanyisa ha chisanji chamivwimbimbi chize chimene, ndumbwenyi weka yapwile—yapwile na jila ya tetekeli ya California. Kaha Danny Henry kutambuka kulutwe hanyima ya kuliwana vayisokole, hakamenga, nge *echi*, kuze malunga vosena kupwa vakutwama, kutambuka nakwiza na kuhaka mavoko enyi hali yami. Kaha ikiye ngwenyi awa mazu, “Ndumbu walunga Branham, Ngwafwelela echi kacheshi nakwivwakana chakulifukulako, oloze,” ngwenyi, “chize chinahase kupwa kapetulu 23 wa Kusoloka.” Echi, kuli kaha tupetulu twende vavali mu Kusoloka. Ikiye ngwenyi, “Ngwafwelela echi kacheshi nakwivwakana chakulifukulako.” Ikiye kapwilenga cheka na kuhambakana chize vaanjikile... Jino, uze kanyike walunga apwilenga ka Mbaputishitu, kaha kutachikiza chuma ya ukalunga. Na mavoko enyi hali yami, ikiye aputukile kuhanjika mulilimi lya kuhona kutachikiza.

40 Kaha omwo ikiye apwile nakuhanjika mulilimi lya kuzeneka kutachikiza, kuze kwapwilenga na—na muthu wamulemu, pwevo ulava kutwama kulutwe lwami, ikiye akatukile, ngwenyi, “Echi kacheshi nakutonda kala kulumbununa.” Ikiye ambile ngwenyi, “Ngwafuma ku Shreveport, Louisiana, mokomoko, Baton Rouge, Louisiana.” Ambile ngwenyi, “Echi chili vene French.”

41 Victor Le Doux, uze apwilenga Frenchman, cheka nawa kutwama kuze, amabile ngwenyi, “Punduvene, Ngunapu Frenchman, kaha uze apwilenga ka French vene.”

42 Ngwambile ngwami, “Vandamina muyutu. *Ove* soneka chuma ikiye ambile, kaha *ove* kusoneka chuma ikiye ambile ngwenyi, shimbu enu kuhanjika kalachuma. Kusoneka chumamuka *ove* wahanjika, kaha echa kumona kusoneka chove.” Kaha umwe asonekele hamavu, kaha mukwavo kusoneka hamavu, chapwilenga hakumaka mwomumwe.

43 Kaha jino ha lwola luze, omwo vakiko vanehele visoneka hamwe, kusoloka kanawa, mukweze walunga wajikambu jakulinyota kwiza nakutambuka kufuma kunyima. Kuze, kakwapwile numba kapete kakutamo kuli ikiye kutwama; ikiye emanyine kunyima. Ikiye ejile nakutambuka, ngwenyi, “Munyutu kaha, Nguli nakutonda chihela chakuyijila, nawa.” Ikiye ambile ngwenyi, “Ngwapwa mukakulumbununa chi French ha U.N., United Nations.” Ikiye ambile ngwenyi, “Ngunatondo kuseza kusoneka chami.”

44 Kaha, hano, kusoneka chosena kupwa mwomumwe, cha French. Kaha hano mujila yakutanga. Awa anapu kusoneka chavyuma vivene, kuhona kufuma. Awa anapu kusoneka a Danny, lyavene, ikiye kuwahaka mumboloso. Mukiko, chayile mu Christian Business Men, na vyangocho.

Mwomwo ove unasakula jila yakupalakanya, jila yayikalu, ove unatambuka mukusakula chove, ove unasakula kusakula chakwoloka na yayikalu, kaha yinapu JILA YAMI.

Mwomwo ya echi kusakula chamwaza, chihanda chachinene cha Mwilu chinakuvandamina ove. Kusakula kana chaupahu ove unalingi!

Echi, muli chivene, chili chize nachiya nakuhana, na kupwa nakwiza nakuhita kuhasa, chakulitulaho muzangi ya Ukalunga.

45 Jino, uze muthu afwachikile lijina lyaenyi hano, “Eyi hanjikiso yapwilenga kulumbununa na...ya Danny Henry kupolofweto hali Ndimbu walunga Branham, kuhana kuli vinjiho vatatu mu cafeteria mu Los Angeles, California.”

46 Jino, ou mukweze walunga youmwe uze ahanyine upolofweto, keshi kuhona kutachikiza chumamuka ikiye

apwilenga nakuhanjika, apwilenga mu Yelusalema pamo ha kakweji. Ikiye apwilenga nalisesa lyakuya nakulovoka na—na kuseza mu chimbembe kuze Yesu afwile kaha apwilenga wakufunda. Kaha shikaho shimbu ikiye apwile nasavala haze, ikiye ngwenyi Nguneza muwongo wenyi wangolo chikuma kaha aputukile kulila. Ngwenyi, “Omwo echi chinapunga chachikalu kuli Ndumbu walunga Branham kwimana nakufumbukila kaye na vyuma evi, na mauka osena!”

⁴⁷ Nge echi—echi chapwilenga umwe, wa chihanda Billy Graham, ambile ngwenyi, “Etu tunahase kumona Billy Graham, mwomwo mauka osena ali nakulinunga hamwe na ikiye. Etu twamono Oral Roberts, va Pendekosita. Oloze omu etu kupwa kalachuma, omwo Echi chapwilenga chakulimbakala na vathu kuvanangula?” Napu Kalunga.

⁴⁸ Kaha, Danny, chuma ikiye alingile kupwa kutonda chenyi, ikiye atangile malolwa amandende. Ikiye atambukile nakuya kuze ku Kulusu vayihakile mwishi, kuze vakiko vahanjikile Kulusu kuyihaka mu lilolwa. Naumwe wauchi apwileko, shikaho ikiye kuhokola chihanda chachindende cha lolwa kaha ikiye kuhaka lilolwa na kulihaka mumboloso kupwa vyalivwumba lyamwaza, kwiza kwimbo na kupwa na mahina amushingo avali kuzezeleka. Kaha, chaungeji, omwo ikiye kuvalingisa, vakiko chasolokele kupwa wakupwa na manyinga. Kaha kuhita muli kala umwe vakiko, mukutwalilaho, kuya vene lika, jila yayindende kuhichila vosena vavali. Jino uze nahase kupwa kaha . . . Talenu, muthuumwe weka kuhasa kutalisa, oloze kuli yami chuma chakuhakilako kuvyuma Ngwafwelela. Ngwafwelela nge vyuma vyosena vyatela kupwa nakulumbununa kuli echi.

⁴⁹ Kaha jino, mulwola luno, kala chuma Mwata ali . . . Kachi echi kacheshi chuma chize Ikiye apolofwetele, mu Malaki 4 kaha nawa mu Luka 17, kaha Visoneka vikwavo vize vyatela kusoloka mu likumbi lyakumakumishilo, echa Ngunahanjika echi mukusoka, echi vachihakile chikuku cha muthu omwo ikiye mwakeza. Shikaho Ngunapu wakusakwilila nge Kalunga wa Kulitula, kachi echi nachipwa muli eyi jila, echa ngulinge chumachimwe chindende, mu seteko yakuzeneka kutanga, kusolola kusakwilila chami cha zangi Yenyi kuli yami, zangi yami kuli Ikiye, kaha zangi yetu kuli vathu.

⁵⁰ Shikaho, mu kushishika, Ngunakupanda kuli ou mutwe wachihande wa *Kumbata na Kulukulula*. Echa Kalunga apwenga na keke hali etu vosena.

⁵¹ Kaha jino ivwulilenu kanawa. Kaha, vandumbu vamaapwevo, kanda kukatuka nakulovoka; twamenu kaha kulu chindende. Ndumbu walunga, kulinga chochimwe. Kanda kwalumuna vitwamo vyenu kuze, echi chili nakwiza nakwivwulila hapeho. Kanda kulinga ngachizeko. Twamenu kaha kulu ha minyutu

yayindende, palanga nomu ili. Ivwulilenu chikuma. Kachi enu namukana, soneka vize Visoneka vize Nguli nakuzachisa, kaha jino Kuvitanga mukulomba shimbu etu tusakule.

Kalunga, tukafweko etu nge omu tuli nakweseka kupandama ku mutwe wachihande.

⁵² Jino, echi chinahase kupwa hahasuku chindende. Kangweshi nakutonda enu kupwa mukuzangula. Kaha undenu kaha, etu vosena, kaha kutanga eli Lizu lya Kalunga, mwamuchano kaha kanawa, nge etu tunatachikiza omu Mwakutangila.

⁵³ Echa tuputuke na Mukakujila Mateu, kapetulu 19. Kaha kuputuka, Ngwashingtonyeka, na vasi 8 ya kapetulu 19, Ngwafwila tuputuke. Ngunahase kuputuka nawa na vasi 1, kaha kutanga mbwe na vasi 8 ya kapetulu 19.

⁵⁴ Jino, anuka, vyuma kana vize Ngwahanjikile chatela kufuma mu Lizu lya Kalunga. Echi kacheshi kupwa kujina chamiko, mwomwo kujina chami kupwa kaha nge kalamuthu weka. Oloze chatela kupwa mukutwalilaho na Lizu lya Kalunga. Anuka, Kalunga kulama vyumavyosena mu mungalila. Ikiye kanda lyehi alumuke. Ikiye apwa youmwe zau, lelo, na hayamyaka. Enu mwafwelela echi? Ikiye apwa youmwe.

⁵⁵ Jino Nanguya nakutanga kufuma kapetulu 19.

Kaha chasolokele, omu alingile Yesu hanakumisa lyehi vihandevi, afumine ku Ngalileya, ahetele mulifuchi lya Yuleya musali ya Yotau;

Kwamukavile mayongomena amavulu; kaha avahindwile kuze . . .

Kaha kuli ikiye kwejile va Fwaliseu, vamwesekele, . . .

⁵⁶ Ngwimane haze mangana ngushindakane hali chize kweseka vamwesekele Ikiye.

. . . nakumwihula ngwavo, Choloka lunga kutumbika pwevo lyenyi hamulonga himulonga tahi, nyi nachilihii?

Kaha ikiye avakumbulwile ngwenyi, Kamwatangileko tahi ngwavo ou avatangile vakiko kufuma mu kukuputuka avatengele na lunga na pwevo,

Kaha ambile ngwenyi, Shikaho lunga mweseza ise . . . naye, nakulipanji na pwevo lyenyi: kaha avavali navapwanga mujimbu umwe kaha?

Shikaho kaveshi cheka vavaliko, oloze mujimba umwe kaha, oloze mujimba. Shikaho echi nanungu Kalunga, kanda vachihandununa kuli muthu umweko.

Vamwihwile ngwavo, Nyi yikazeatulwezele Mose ngwenyi muvahane mukanda wa kujija ulo, na . . . kumutumbika?

Kaha Ikiye avabile ngwenyi, hakukaluhwa cha michima yenu hakiko vene hakiko amitavilile Mose

*kutumbika mapwevo: oloze kufuma kukuputuka
kachapwile ngochoko.*

Jino, Kalunga, tukafweko.

⁵⁷ Echi Chisoneka, echi chihula, vejile kuli Yesu haze vene hakuputuka cha mulimo Wenyi. Kaha vamutulukile Mose haze hakuputuka cha mulimo. Echi chinapu chihula mu michima ya vakakufwelela. Mukashili kalizakamina. Oloze echi chinapu vakakufwelela, mwomwo mukakufwelela ali nakweseka kulinga vyosena vize ikiye natachikiza mwakulingila kumeso a Kalunga. Shikaho, kala chihula kwiza mukulifukula, jino ukalu *Kumbata Na Kulukulula* kwiza. Mwomwoika? Mwomwo chinapu kulingisa shili chatete. Aha hakiko shili yaputukile. Kaha ou ukiko mulonga chanehele lwola lwosena, mwomwo chinapu kuputuka cha shili.

⁵⁸ Jino Kangweshi na lwola lwa kulumbununa vyuma vyosena, oloze Nanguya nakupwa wakuwahilila kukumbulula mukanda mokomoko kalachuma Nanguhashila. Mokomoko, etu vasonekele mikanda hali echi, kaha vihula vyavivwulu, na kuvatula mapepa na vyuma hano, kwinjikiza echi, etu tunatachikiza nge apwile Eva (Apo ize yatelele kulya, kuze kayeshi numba Chisoneka, jino vakiko vavulukile kupwa apricot; chapwile umwe mukwavo.), ikiye alingile ujila, ize yanehele mwana watete, uze apwile Kena, mwana Satana, mwomwo muli ikiye mwatwama upi. Kachejile kwiza nakuhita kuhichila muli Avele. Mwana satana apwile Kena.

⁵⁹ Ngunatachikiza chihula chove jino, “Eva ngwenyi, ‘Nguli na mwana wakufuma kuli Mwata.’” Echi chili vene chakwoloka.

⁶⁰ Enu munahase kumbata pwevo wakukelenya mumbaka, lunga wamokomoko; kachi vakiko vapwile na kemba, kaha yatela kwiza kufuma kuli Mwata, mwomwo Kalunga atwama na jishimbi jakutwama hamwe. Kaha eji jishimbi, nge musna kukatuka; enu kuhaka kukulumbe mu wande wamwaza, nachiya nakukula. Kaha echi chatela kukula, mwomwo lunapu lushimbi lwa Kalunga. Omwo mbuto vanayitumbu, yatela kukula. Kaha kakweshi chuma nachikula chiyoyelo oloze Kalunga, mwomwo cheji kuzatanga mwishi ya jishimbi Jenyi. Shikaho omwo mbuto yayipi vayitumbile mulijimo lya—lya Eva, chatela kuneha, mwomwo yapwilenga lushimbi lwa Kalunga lwa kusemunuina. Kaha echi chinahase kulinga chumachimwe oloze kuneha echi, kaha japwile nakufuma kuli Kalunga.

⁶¹ Ou ukiko mulonga vathu vahanjikile, “Vakemba vavandende,” lwolalumwe, “uze kasemukile kuli visemi Vakakulishitu, vajimbala.”

⁶² Manyinga a Yesu Kulishitu kukosa mwana, Kangwalizakaminako omu asemukilile na omu kupihya asemukilile. Ikiye napu mwana Mukoko wa Kalunga uze eji kumbatanga shili ya kaye. Uze mwana wamundende keshi

kuhasa kupihililako, mwomwo keshi na chuma chakupihililako, kaha ize yapwile shili ya kaye ize yapwilenga vambachile na Manyinga a Kulishitu. Vakemba kuya Mwilu.

⁶³ Yikiko shili yatete, kaha ou ukiko mulonga china—chinapwila chihula. Omwo kalavilinga vyavinene kwiza na kufuma kuli Kalunga, ha chuma chimwe chatete: “Ngachilihi na kulimbata na kulukuluka?” Jino, nge omu chapwa, echi chinapu lika chihula mukachi ka vathu. Nge omu chapwilenga lwola lwa Yesu, nge omu chapwile mulwola lwa Mose, chinapunga lwola lwosena, kaha chilingile palanga nakuno kulimbi lyalelo, chihula mukachi kavathu, mwomwo vathu vanatondo kutachikiza Muchano.

⁶⁴ Oloze kuli kwatwama chihula, kwatela kupwa kukumbulula. Kaha jino kupwa nakukumbulula, nge omu Ngunahanjika shimbu kanda, uno mulungu, kwatela kupwa kukumbulula. Kaha kachi etu natupwa na chihula kuli kalachuma, kaha echi—echi kachapwile chakwoloka, jino etu kutachikiza nge chapwile chakuhenga. Oloze kuli echi, ove mupwa lika nakuhula palanga chihula chamuchano vanachikumbulula, kachi ove unatondo kutachikiza Muchano. Kaha hakupwa na echi mu chihula mu Mbimbiliya, echi chatela kupwa mukumbulula mu Mbimbiliya.

⁶⁵ Echi chili nge omu Ngwahanjikanga, kachi Ngwatondele kuya kumututuko chimene chino, kaha mwosena Ngwejivile echi, Ngwatela nakuwana chumachimwe muwande, kaha nachipwa vene kumututuko, kha Ngwayile kumututuko. Muthuumwe ambile ngwenyi, “Ndumbu walunga Branham, *eyi* ikiko mututuko.” Echi chinapu mututuko, kupwa kaha, oloze yinapu hakachi ka mututuko na kuto. Nanguya nakuhita kala chuma Ngwapwilenga nakutala hali chize; Ngwatela kwiza nakukinduluka, kutachikiza chapwilenga chakuhenga. Kaha jino kachi muthuumwe ambile ngwenyi, “Ndumbu walunga Branham, yako mujila *eyi*, kuli ove lisesa lyove.” Jino, chize chinapu kumututuko, nawa, oloze chinapu mukachi ka mututuko na sango. Nanguya na kukasunuka chuma chivene nge Ngwayile nakutala ha, mwomwo Ngwayile kuhambakana jingiza ja kukupuka na jila yivene.

⁶⁶ Jino, kachi echi nachipwa ngocho, etu natupwa na mashikola avali ashinganyekele ha *Kumbata Na Kulukulula*. Kaha echi chili, umwe wavo kuhanjika ngwenyi, nge, “Lunga nahase kumbata kamwe kaha, kuvangila pwevo lyenyi nafu.” Kaha chize chikiko chihula chimwe, oloze, enu yenu nakuchikavangiza chize, ove muya nakufuma mujila. Kaha jino mukwavo ngwenyi, “Mamalelo, kachi pwevo mokomoko lunga, chipwe umwe muli vakiko, nalingi ujila, umwe muli vakiko vatela kumutumbika kaha ambate cheka.” Ove muliwana ove lyavene unafumu mujila na chize.

⁶⁷ Shikaho, talenu, echi kacheshi mukachi ka sango na mututuko mokomoko mukachi ka kuto na mututuko; etu twatondo mututuko kaha. Ove muya nakufuma mu Chisoneka omwo ove muya muli *eyi* jila, ove muya nakufuma mu Chisoneka omwo ove muya mujila *kana*. Etu twatondo kutachikiza halihi Chisoneka chaliwanyina na Chisoneka, kaha ktachikiza Muchano wacho uli halihi. Wosena mwambata jila jakuhandunuka, kaha kuhona kuneha kukumbulula chakwoloka, oloze kwatela kupwa kukumbulula.

⁶⁸ Echi chili kaha nge, lelo, kuli mashikola amanene avali a kunangula muliuka; chimwe chacho chinapu chi Calvinism, chimwe chi Amin-. . .Aminianism. Chimwe chajishimbi, chikwavo cha likoji. Kaha etu kwiza nakuwana nge vathu vaze vafwelela mu likoji, vapwa va Calvinists, vakiko vahanjika ngwavo, “Kisula Kalunga, echi kacheshi kungukolesa yami kunwa makanya ko. Echi kachangukolesako kunwa walako. Ngunahase kulinga vyuma kana, Ngukwechi kulingiwa Chahaya mwaka.” Jino etu tunawane sali yikwavo, ya jishimbi, ngwavo, “Mamalelo, Ngunatondo kutambakana hali chikiko, Ngunatondo kumulwekesa chihnda cha vishinganyeka vyami, oloze, Ngwapwa muka Kulishitu, Ngwatela kutwalilaho.” Talenu, ove muliwana ove lyavene kusali yimwe ya jila, kaha chipwe kuli umwe wakwoloka. Jino, echi chinapu chachikalukuhanjika chize, oloze unapu muchano.

⁶⁹ Etu tunaliwane etu vavene mujijila jakuhandnuka; yimwe, kuya mujila yimwe; umwe, mukwavo. Jino echa tutenu Muchano ulihi.

⁷⁰ Jino ivwililenu, kaha talenu kachi echi china kwivwakana chamangana kuli enu. Chakutalilaho, kachi Nanguya nakupwa wakulizanga kuya kusali yatulungalwiji, kaha Nanguya nakumbata chisaka chami, Nanguya nakusanyika pwevo lyami, kaha Nangukaya nakuhanjika, “Etu tuyenga-. . .Nguli nakuya musali yatulungalwiji, sepa.” Jino hono hali sali ya jishimbi, “Jino, pwevo lyami, Ngulinakuya nakutumbi lushimbi hamavu kuli enu! Kachi ove muhema na kala lunga shimbu Yamu ngunanyi, omwo Nangukakinduluka kaha ove naukapwa pwevo wakulukuluka. Kaha Kangwatondele kutalisa na meso, kangwatondele enu kukemwina! Enu munevwushisa? Ngunapu lunga lyenyi! Kachi ove kulinga echi, Nguli nakuya nakuhaka enu kuweluka omwo Nanguhiluka.”

⁷¹ Jino ikiye kuheta na kupwa yami akukasa, nakuhanjika, “Lunga lyami wamwaza, Ngwatondo kumilweka chumachimwe, talenu, talenu, chize kachi enu namuhake meso ha kala pwevo, mokomoko kumbata kala pwevo, mokomoko kukemwina kala pwevo, enu mulinakuya nakupwa lunga wakululuka omwo akindulukile kunyima.” Jino, lize kalyeshi kupwa limbo lyamwaza? Echi chinapu jishimbi. Chosena chakwoloka.

⁷² Jino, kusali yikwavo, kaha kachi Nanguya kusali yakalungalwiji na Ngunahase kupwa nakulwisa... Yako kuze nakuhanjika, “Jino, tala, Nanguya nakumbata *ou* pwevo kumufumisa. Mamalelo, echi chili chosena chakwoloka na pwevo lyami, ikiye kazakamineko.” Pwevo lyami kuhanjika, “Nanguya nakulovoka na *ou* lunga. Echi chili chosena chakwoloka na Bill, ikiye kafwileko.” Kachi Nanguhona, kahajino kuli chuma chimwe chakuhenga na yami; Kangwazanga uze pwevo wakwoloka ko. Kaha kachi ikiye kazakamineko, kuli chuma chimwe chakuhenga na ikiye. Ikiye apwa pwevo lyami; Kangwazangile muthu weka apwenga nenyiko. Ikiye napu pwevo *lyami*.

⁷³ Jino, jila yakwoloka ya echi, chili, kuli vosena vavali kupwa na muchano, oloze keshi Muchano vene.

⁷⁴ Jino omwo Nanguya kusali yatulungalwiji, kuumbata vene, chisaka chami chachindende chakukunguluka nakujinguluka, kaha etu twalombo na umwe namukwavo. Kaha Ngunavakujika vakkiko kuli Kalunga, kaha vakiko veji kungukunjika kuli Kalunga. Kaha omwo etu twalingile, etu kuya kusali yatulungalwiji... Nanguya kusali yatulungalwiji. Jino, Ngunatachikiza ikiye anguzanga yami; Nguli nalufwelelo muli ikiye. Shi-...kaha Ngwamuzanga ikiye; ikiye akwechi lufwelelo muli yami. Chikalo kaha nge Ngwamuzanga ikiye nge ngachize, ikiye keshi nakala kulizakamina hali yami kuhanjika ha kala mapwevo vakwavo. Chikalo nge ikiye anguzanga vene, mwomwoika, kakweshi nakutondeka kuli yami, kushinganyeka hakala lunga mukwavo kuya nakulinga ujila nenyi, mwomwo ikiye apwa pwevo lyami kaha Ngwafwelela ikiye.

⁷⁵ Ngwafwelela, kachi Nanguhasa kulinga chuma chimwe chakuhenga, kuluwanganyisa na kuya na pwevo umwe, na kukinduluka kunyima na navaya nakulikomokela hali ikiye, na mukumulweka ikiye, “Meda, Kangweshi nakutwala muzeko. Vangukwachile kaha mulikonga; *ou* pwevo alahile nakwiza kuli yami kaha—kaha angukwachile kulivoko, kaha aputukile *munganji mukananga*,” Ngwafwelela ikiye mwaya nakupwa kwivwushisa. Ngwafwelela ikiye mwaya nakungukonekela echi. Oloze Kangweshi kuhasa kulinga echiko, hachuma chimwe, mwomwo Ngwamuzanga ikiye. Chipwe ikiye mwaya nakungukonekela, Kangweshi kuhasa kuchilingako. Kangwatela kumukolesako, chamokomoko. Chipwe Ngunatachikiza ikiye mwaya nakungukonekela hali echi, Kangwazangile kuya nakumukolesako.

⁷⁶ Kaha omu mukiko chili na Kalunga. Kachi Ngwa... *phileo* love, kupwa zangi yauthu, zangi yakulikata, chize nachilingisa muthu kwivwa kanawa hali pwevo lyenyi; ngachilihi *agapao* love, mu Greek lizu kana kulumbununa “zangi ya Kalunga,” nachipwa ngachilihi nachilingisa yamikulinga na Yesu Kulishitu? Nguli, kachi nge Ngwatondo kuya nakuchilinga,

echi chili mumuchima wami kulinga chize! Chipwe... Nanguhanjika, kachi kaha echi chili mumuchima wami kuchilinga chize, Nanguya nakuchilinga. Halushimbi kalweshi kuhasa kuli echiko, mwomwo nge Ngunatachikiza Nangupwa wakuzangamisa kulinga chize. Oloze Muchano wa echi, chili nge zangi ya Kalunga kwiza mumuchima wove palanga ove *unatondo* kulinga Chize. Uze ukiko Muchano waechi. Muli mashikola. Keshi chalushimbiko mokomoko mukwavo, mokomoko chi Calvinism, echi chili mwosena muvali.

⁷⁷ Jino etu tunawane lelo, nawa, kuli vikungulwilo vyakuhandunuka. Kuze kuli liuka lya Katolika, liuka lya Vakakulikanga. Wosena wavo kuhanjika nge vakiko vapwive Mujila, talenu, “Etu kupwa Mujila, etu tunapu Muchano.” Kuli va Mesondisiti, ngwavo, “Etu tuli na Muchano.” Uze ka Mbaputishiti ngwenyi, “Etu tukwechi Muchano.”

⁷⁸ Chamwaza, kuli yami, kachi kaha vakiko vali nakwivwa mujila kana, kacheshi ngochoko, mwomwo Yesu ngwenyi, “Yami Muchano.” Talenu?

⁷⁹ Shikaho, nge kutangisa chami ufuku unahichi wapwanga, nge Ikiye napu chihela kuze Kalunga kuhaka Lijina Lyenyi, chihela chimwe chakulifukwila. Ove kaweshi Mukakulishituko mwomwo ove unapu Mukakulikanga. Ove unapu Mukakulishitu mwomwo ove unapu muka Katolika. Ove kaweshi muka Kulishitu mwomwo uli ka Mesondisiti, Mbaputishiti, mokomoko Pendekosita. Ove wapwa Mukakulishitu mwomwo ove vanakujimika muli Yesu Kulishitu, ha Shipilitu Wajila, keshi ha meya ko. “Kuli Lufwelelo lumwe; Mwata umwe; lujimiko lumwe,” elu lukiko lujimiko lwa Shipilitu Wajila. Lujimiko lwa meya eya kukwingisa mukulikata. Elu lujimiko lwa Shipilitu Wajila kukwingisa muli Kulishitu. Ou ukiko Muchano.

⁸⁰ Etu tuli na vishinganyeka vivali vyaha *Kumbata Na Kulukulula*. Jino, uze, Mwata wetu nasokolola mangana akusweka Tutachikijilo twa Seveni twa Lizu Lyenyi kuli etu, mumakumbi akumakumishilo. Jino, enu vavavulu, echi chinahase kupwa chi Greek kuli enu, oloze liuka lyami kwivwushisa. Ha chumamuka? Kaha enu kwivwa vize vimweno na chumauka chinakusoloka. Kaha chihula chinapu chihula cha Mbimbiliya, etu vanatusanyika hano kufwelela nge kwatela kupwa kukumbulula chivene kuli chiswamo chosena chize chinapunga chakusweka kufumisa kukwala chihela cha kaye. Kaha eyi Mbimbiliya kupolofweta na kuhanjika nge mumakumbi aze akusweka nawakasoloka. Kusoloka 10, “Kaha kuvuma cha kangelo wamuchi seveni, muluwa wa Lauchiseya, mangana akuswamana a Kalunga atela kusoloka.” Kaha echi chinapu chisemunuino chamakumishilo, eyi yinapu Lauchiseya.

⁸¹ Tala hali echi kuhizumuka chayile lika na myaka fiftiteni mokomoko kuhambakana, kaha kakweshi chikungulwilo

chimweko kulovoka muli chize. Luther apwilenga na kuhizumuka, kuze kwaputukile chikungulwilo; Wesley, ayile kuchikungulwilo; Alexander Campbell, kuze kwakwechi chikungulwilo; vyosena evi vyavinene... Yowano Smith na vyangocho, vikungulwilo, Moody, kwosena. Oloze hano hali umwe... Kakavulu na kuhizumuka kupwa kaha mummyaka yitatu. Oloze echi chinapunga hamyaka yakuhambakana myaka fifiteni, kaha keshi chikungulwilo chimwe kulovoka kufuma muli chize, mwomwo luno lukiko lwola lwa Mbuto. Kakweshi cheka chiyawuko; hanyima yachize chiyawu nachiya, yinapu Mbuto.

⁸² Kalunga ali wakulizanga, kachi Ikiye keshi kulinga echi jino, Ikiye ali nakuya nakusanyika Liuka kukupuka ha Lizu Lyenyi, Yesu Kulishitu. Talisenu, kwatela kupwa kukumbulula kumwe, kaha kupwa Tutachikijilo tutanu natuvali mangana akuswamana a Kalunga, Tutachikijilo Tutanu natuvali... .

⁸³ Vangahi vanevushisa echi, katulenu mavoko enu. Echa tutale. Ngwashingtonyeka vosena mu chikungulwilo chetu kufuma nakujinguluka, ivwulilenu. Nge keshi ngochoko, mikanda linwaha yifume mukuwaha linwaha, ha mutwe wachihanda. Etu tuli namikanda, mikanda yimwe hali Echi jino.

⁸⁴ Yesu, mukutanga chetu, kukwitavila etu kuya nakukinduluka kukuputuka, ha muchano wa kukumbulula cha Chisoneka.

⁸⁵ Jino, omwo Ikiye apwile nakumuhula na echi, kuze kwapwilenga vyuma vivali mukumona. Vaze tupilishitu vahanjikile kuli Ikiye, "Lunga nahase kutumbika pwevo lyenyi, nakupwa na weka, hakala mulonga?"

Kaha Yesu ngwenyi, "Echi kachapwile ngochoko kufuma kumaputukilo."

Jino vakiko vambile ngwavo, "Mose atevilile kuvasonekelele mukanda wakulukuluka, kaha kumutumbika hakala chuma vakiko vanatondo."

⁸⁶ Ikiye ambile ngwenyi, "Chize, Mose alingile ngachize mwomwo," Nguli nakwecha luze lungoji shimbu chindene, "mwomwo ya kukaluhwa michima yove; oloze kufuma, mokomoko ha kuputuka kachapwilenga ngachizeko." Chize chihula!

⁸⁷ Chihula lelo, nge kaye kwosena, "Echi chili nakwiza ha milingu, kulinunga cha mafuchi, kulinunga?" Ngunakuhanjika kuli ove, nduma. Echi chili lwola lwosena kuhona, kaha nachilingika lika cheka. Oloze kuze kunasale kukumbulula kuli echi chihula, "Nakukaya nakupwa nakuunda hano hamavo?" Eyo, omwo shili yili nakwenda hamavu, kulinakuya nakupwa kuunda. Oloze palanga luze lwola, kakweshi nakuya nakupwa kuundako; "lifuchi nalikafumbukila lifuchi likwavvo, kaha

wangana kufumbukila wangana ukwavo.” Kalunga ahanyine umbanda ha shili. Ivwulilenu kanawa jino. Kalunga kuhana umbanda kutambuka cha shili hakaye, oloze lunga hano hamavu keshi kwitavila ou umbata Kalunga wakeke.

⁸⁸ Kalunga atuhanyine umbanda na jila yakumbachilalamo mapwevo jetu na kuyoya na vakiko, oloze muthu keshi kuya nakwitavila umbanda wa Kalunga, keshi ketavila Lizu Lyenyiko hali echi. Yesu ahanjikile echi. Kaha echi cheji kungwanukisa ha—ha Mazu Eyi, kutachikiza nge Ikiye ahanjikile, “Melu na mavu nawakahita, kuhita, oloze Wami kaweshi.”

⁸⁹ Chihula, kukumbulula chamuchano chize Yesu natondo etu kuya kunyima, kuya ku kukuputka. Jino, chize nachiya nakupwa mu Kuputuka, mwomwo lizu lya *Kuputuka* kupwa kapetulu wa mbuto kukala chihula mu Mbimbiliya. Kaha enu lwola lwosena mwatela kukinduluka ku mbuto kumona muyachi wa mbuto muka ili muwande, kuwana mbuto jove najiya nakupwa. Jino, mbuto yamuchima muka ya mbuto vatumbile? Kuputuka, kupwa mbuto ya kapetulu, etu natuya nakukinduluka ku Kuputuka. Yesu anehale kuli etu chize Chisoneka, “ha kuputuka.” Jino, anuka, chize omwo lwola lwaputukile mu kuputuka. Shimbu kanda chize, chapwile Hayamyaka na myaka. Jino, chihula chetu chapwilenga kuze, talisenu, kachi etu natukinduluka kumaputukilo.

⁹⁰ Jino kanda kuhona kwitavila echi! Kaha ou ukiko mulonga Ngwatondo kuhanjika chindende, shikaho vathu kuya hajishinga, kaha ize tepu naiya nakuhanjika kanawa.

⁹¹ Kachi Yesu ambile ngwenyi, “Yako kumaputukilo,” kuze kwapwile kaha chuma chimwe hano hamavu. Kuze kwapwilenga Alama umwe, Eva umwe, vavanungile hamwe kuli Kalunga umwe. Chimbulu wachipwevo umwe, wachilunga umwe; mukewe wachipwevo umwe, wachilunga umwe. “Ha kuputuka,” nge omu Ikiye atulwekele kuya kunyima, kuze kuli kaha vavali vavali kaha. Ou unapu muchano? Jino, etu tunawane nge vyuma vyosena “mu kuputuka” vyapwilenga nakuzachila muyulo chakukupuka na kuzachila hamwe na Kalunga, kakweshi chuma chimwe chafumine mujilako.

⁹² Vyuma vyosena mwilu vili kaha muchiyulo; vatanganyika vosena, vyamwilu, zachiso yamwilu, vyumavyosena vili muchiyulo chakukupuka. Umwe wavo kutambuka, nachineha kumbalanganyisa kwala chosena.

⁹³ Jino ivwulilenu. Kamweshi nakumonako? Umwe kaha kumbalanganyisa kwala chosena! Jino, omwo vathu vapwile nakutwaliho na Kalunga, na lunga umwe na pwevo umwe, ou pwevo avulumwine na kumbila kwala chahamavu kufuma mukutwalilaho na Kalunga. Shikangaho, lizu limwe kuhakilako kuli ou Mukanda, mokomoko Lizu limwe kufumisa muli Echi, kumbila Mukakulishitu kumufumisa mukutwalilaho na

Kalunga, kumbila liuka kulifumisa mukutwalilaho na Kalunga, kumbila chisaka kufumisa mukutwalilaho na Kalunga. Kala mukakufwelela vanahase kumumbila, hakuhona kaha kwitavila Lizu Iya Kalunga.

⁹⁴ Jino, apwilenga pwevo ikiye alingishile kuhandununa limbo Iya zangi. Kapwile Keluveko uze ayajishile hamavuko. Kapwilenga Alama ko uze ambilile limbo kusaliko. Kachapwilenga kala chuma nawa kumbila limbo, na kumbila chuma chosena nakutwalilaho, oloze pwevo, Eva. Kaha chili hano ngana “hakuputuka,” nge Yesu kuhanjika ha, apwile wakupokoka. Yesu ambile ngwenyi, “Ha kuputuka, Kalunga atangile lunga umwe, pwevo umwe, wosena.” Kaha jino omwo ou pwevo... keshi chimbulu wachipwevoko, keshi kawa wachipwevoko; oloze pwevo, ikiye ahokwele kutwalilaho chosena cha Kalunga kuzata hamavu, kaha kumbila vyumavyosena mukwafwa. Uze pwevo, keshi lunga ko, ikiye ahokwele chivwasano. Ikiye ahokwele chivwasano, mwomwo (mwomwoika?) ikiye afumine mumukana wa Lizu Iya Kalunga. Jino, kachi ikiye ahokwele chivwasano na lunga Iyenyi, ikiye ahokwele chivwasano na Kalunga; kahajino, mwomwo ikiye ahokwele chivwasano na Kalunga, ikiye achihokola na lunga Iyenyi.

⁹⁵ Kaha omwo enu lushiko Iwenu na kulivwasana ku Lizu Iya Kalunga, echi chikiko chalingishile vavavulu kupwa vamembala vakuzeneka masevo, mwomwo lizuvu Iya malunga kupwa hamwe na ngwamba, “Chmawaza, Kachalumbunukile *muzeko*,” kaha chilimbila chikungulwilo chosena mukutwalilaho ha Lizu. “Etu katwafwelela Echiko. Ndotolo Jones ngwenyi Echi kachapwile ngochoko.” Oloze kachi nge Kalunga ahanjikile Echi chili ngocho, Ikiye ngwenyi, “Echa lizu Iyosena Iya muthu lipwenga Iya makuli, kaha Lyami kupwa Muchano!” Chize chaholokele kutwalilaho.

⁹⁶ Jino etu tumone, kupwa kaha mukutwalilaho chinahokoka, jino mukana wa Kuyoya, nawa lwola lwakuyoya apwile wakupokoka, chivwasano chahokokele, vyumavyosena kusokeka! Chumauka chalingishile echi? Pwevo. Echi chikiko chahokwele chivwasano. Jino, kachi enu mwatondo kutanga echi, enu munahase kuutanga, Kuputuka 3.

⁹⁷ Jino, echi chapwilenga jino lunga vamulingishile kupwa mukakuyula pwevo, na Lizu Iya Kalunga. Ikiye apwilenga keshi hamwe na ikiye. Ikiye apwilenga museteko yimwe ya chisemwa, munatachikiza; oloze, omwo ikiye ahokwele Lizu Iya Kalunga, Kalunga atangile muthu kupwa mukakuyula kuli ikiye. Kuputuka 3:16, kachi ove unatondo kuhaka echi hamavu. Ikiye kapwile cheka hamwe na lungako. Ikiye apwilenga mukakuhokola Lizu Iya Kalunga.

98 Kamwamweneko, “ikiye,” ikiye, eli liuka mwishi hano? Mukakuhokola Lizu lya Kalunga, chamulingishile kufuma vene mukutwalilaho. Kaha echi chikiko liuka linalingi, kaha kumbila kufwa chamushipilitu hali chuma kana. Jino enu munevushisa mwomwoika Nguli nakuvetela ha vyuma kana nge omu Ngunalingi. Ou unapu Muchano! Eyi yinapu muchano wa Mbimbiliya.

99 Talisenu, mwomwoika ikiye alingile chuma kana nge echi? Nachipwa ngachilihi chakuzanga, wamwaza, pwevo wakukupuka...?

100 Ngwamwene chifwanyisa lwola lumwe, Ngwafwelela chapwilenga mu Greece, uze afunjile chifwanyisa cha Eva. Ikiye apwilenga nakusoloka chachikalu chize kanda mumone. Chize kusoloka vishinganyeka vya chisemwa hakuchitala. Oloze, ikiye apwilenga; ikiye apwile wamwaza, mwomwo ikiye apwilenga pwevo wakukupuka, mapwevo vosena.

101 Talisenu, mwomwo ikiye alingile chumakana, kupwa muli chize chiyulo chahela? Ikiye apwilenga chakwoloka na muthu, kupwa hamwe na ikiye. Oloze etu vosena jino nge ikiye ajimbalishile kupwa hamwe na lunga, omwo ikiye avulumwine, kaha Kalunga ambile ngwenyi, “Muthu mwaya nakupwa mukakuyula chove kufuma muno.” Jino, echi chinapu Chisonaka. Kachi enu mwatondo, etu tunahase kutanga echi.

102 Nguli nakumihana Visoneka, shikaho kulama lwola ha kutohwa cha kwivwulila kulifuchi lyosena, nge enu kutangu enu vavene.

103 Talisenu mulonga ikiye alingile. Satana amukwachile ngachilihi?

104 Munatachikiza Satana apwile wakupwa hamwe na Kalunga limwe lelo? Punduvene mukiko chapwile, vosena oloze tengi; ikiye apwilenga vyuma vyosena, kwimana kulivoko lya chilyo lya Kalunga, mu Melu, twamina wamunene hali va Keluve.

105 Talisenu mulonga uze ikiye alingile echi, ikiye kapwilenga mu tengeso yatete. Ikiye keshi tengeso yamaputukilo ya Kalunga; ikiye apwa chumachakufuma kuchuma chimwe. Shikaho, “ha kuputuka,” nge omu Yesu atwinyikile, ikiye apwile tengeso yakulivanga kupwa vya Kalunga. Pwevo apwa chumachakufuma kuli lunga, omwo Yesu ayikilile ku “kukuputuka.”

106 Anuka, Alama apwilenga wamishisa mishisa na mujimba wauvwowwu, mutengeso yatete, muli umwe, oloze jino ikiye apwilenga na jipanda.

107 Talisenu, oloze kupwa wakufuma kuli lunga, kaha, talisenu, chuma chimwe tengeso ya Kalunga yosena, kuli kala kanyama na vyuma vimwe, ikiye apwile kaha umwe wakutunga mujila eyi. Kala mapwevo apwile mutengeso yamaputukilo. Kala mapwevo

veka apwile tengeso yatete, oloze Eva apwile keshi mutengeso yatete. Talenu, chize chatela kupwa mujila kana. Etu natuya nakumbata echi hanyima chindende. Talisenu, muli eyi tengeso ize ikiye apwilengamo, keshi mukuputukako, oloze wakufuma kuli lunga. Kaha muli echi kutenga, mukiko ali . . .

¹⁰⁸ Jino Kangwazangile kunyengetesa kwivwa chenuko, oloze Ngwatondo kumilweka enu Muchano. Kaha enu twamenu kaha kulu; enu muli nakulinga kanawa.

¹⁰⁹ Kakweshi chumachimwe vatunga ngachizeko cha kuhungumwisa, nge omu apwa wakuhungumwisa pwevo. Kakweshi kupwa chumachimwe nawa; kakweshi chumachimweko vatunga mujila kana.

¹¹⁰ Nawa, kakweshi chuma chize vanahase washi kuhungumwisa nge pwevo. Jino, chize kuholoka cheji kwinjikizanga eyi hanjikiso kupwa yamuchano, chize kuholoka mukuputuka.

¹¹¹ Ikiye apwilenga keshi kumaputukilo ya tengesoko. Ikiye apwilenga muli Alama, oloze keshi muupwevo lyeveneko, hakuputuka. Ikiye apwilenga chumachakufuma kuli lunga.

¹¹² Jino, kakweshi chuma chimwe vatunga chakuhungumwisa, kaha vanahase kuhungumwisa, washiwashi nge pwevo. Kakaweshi chumachimwe vatunga mokomoko vanahase kushikumwisa mwishi nge omu nahase pwevoko. Shinganyeka jino. Kakweshi chumachimwe vatunga, mutengeso, nge vanahase kushikumwisa nge omu nahase pwevo. Ikiye nahase kupula muchima walunga chachashi muvihandavihanda kalachuma nawa kuze muno mukaye, uze apwile pwevo lyenyi. Echa echi chipwenga chamwaza kupwa nakujinguluka na malunga vamwe; tala hali uze mukweze natwame kuze na vana venyi, masoji alinakuholoka kufuma kumeso eyi. Ikiye apwile wakatunga muli ize jila. Ikiye apwile wakutaunga kulinga echi. Kakweshi numba ngulu, keshi kawa, mokomoko kanyama mukwavo, wakatunga nge ikiye mokomoko wakushikumuka nge ikiye kushikumuka nahase kushikumuka. Jino, ou unapu muchano.

Nge kuvuluka vandumbwami vama pwevo, Ngunatondo kaha enu kutala.

¹¹³ Kakweshi kanyama nahase kupwa mukaujila. Ove muvuluka kawa kupwa na “malunga vavavulu,” kawa wachipwevo, enu kuvuluka chilunga. . . ngulu wa “chipwevo,” oloze ujila wenyi na miliyoni milosi kuhambakana vatanganyika vamu Hollywood. Omu mukiko ashikumuka pwevo wakatunga kanawa. Ikiye keshi . . . Kupwa kaha nakushinganyeka hali echi jino. Kakweshi mukaye, vatunga mutengeso ya Kalunga, nahase kupwa wakujila, wakatunga kanawa wakushikumuka.

¹¹⁴ Enu ngwenu, “Vandamina munyutu kaha, ‘muthu!’” Etu natuya nakumbata chize. Uze pwevo atela kuhanjika “eyo.”

115 Talisenu, kakweshi chumachimwe vatunga kanawa wakushikumuka, mokomoko wamajilo, shina pwevo. Kawa keshi kuhasa kuchilingako, ngulu keshi kuhasa kuchilingako, kajila keshi kuhasa kuchilingako. Kakweshi kanyama apwa waujila, mokomoko chinahase kupwa, mwomwo keshi waktunga ngachize nge omu nahashilako. Ngulu wachihwevo keshi kuhasa kupwa mukaujila, kawa wachihwevo keshi kuhasa kupwa waujila, kajila wachihwevo keshi kuhasa kupwa waujila. Pwevo napu chuma chimwe chinahase kuchilinga.

116 Jino enu mwamono oho Satana ayile? Talenu? Oloze ikiye hanga ali, ikiye ali umwe uze akwechi ngolo ja kuhanjika “eyo” mokomoko “nduma.” Talenu, chinemanyina haze ikiye natondo kulikwata lyavene. Talenu? Jino hano etu tunahse kumona hatoma to nge mbutu ya linoka, kukiko yafuminyine nakwingila. Kuli kaha chihela chimwe ikiye nahase kuyako. Kachi echi kacheshi kupapalila echi hamavuko, muthuumwe napu kapuputa. Talenu? Talenu, chatela kuya kuli chize.

117 Talisenu, ou ukiko mulonga tunyama kavahashile kuchilingako, pwevo wakanyama, vakiko wapwilenga mutengeso yatete. Oloze uze pwevo kapwilenga muli ize tengeso yatete. Jino etu tuli nakuya kunyima nakufula echi helu, jino kuneha enu hamavu nakukutona cha lelo, mu Tesitamende.

118 Ikiye vamutunga, wakulimanyina, ha majilo na kuyoya chamajilo. Kawa keshi, kaha kakweshi pwevo weka nahase. Napu kaha pwevo kaha ikiye nahase. Kawa mokomoko tunyama vakwavo, kamwe mumwaka, kaha mwomwo yakupwa navakemba; keshi mwomwo ya kuliwana chachiseke, oloze cha kupwa na vakemba. Uze ngulu wachipwevo wamwaka, uze kawa wamalunga kuvula, kamwe mumwaka, lwola lumwe, mwomwo ya vakemba jenyi kaha. Oloze pwevo vamutunga kupwa wakala lwola ikiye nazange. Ngukwechi vimwe ngwajimi hano; enu munahase kushinganyeka evi yosena. Kawa keshi ngochoko; pwevo nahase. Ngufwelela nge Shipilitu Wajila mwasolola kuli enu vyuma vyosena Ngwajimanga hano.

119 Ikiye napu kaha muyachi, muyachi wa mapwevo, uze vapanda wakuwaha kuhambakana lunga. Kakweshi muyachi weka mukachi kakala. Jitengeso josena ja Kalunga malunga vakiko vamwaza, nge mutunyama, tujila, kaha navyangocho, lwolalwosena lunga ikiye wamwaza.

120 Tala hali vuli wachilunga wamunene, na jimbinga jamwaza, muyachi waunene; kaha wamundende, chipwevo wakulikehesa. Tala hali ndemba wamunene na mangona eyi amanene amwaza; kaha wamundende, chali usweuluka. Tala hali tujila, ndemba na chali. Mwomwoika? Mwomwoika apwile ngachize, ha tengeso yosena ya Kalunga? Kala tengeso yosena, muli lunga apwa wamwaza. Mukachi ka mukoko, mukachi ka-ka vangulu, mukachi ka vimbulu, mukachi ka kalachuma nawa, chapwa

lwola lwosena chilunga ikiye wamunene wamwaza, kaha namuli tujila.

¹²¹ Oloze muli vathu, apwa pwevo ikiye wamwaza, keshi lungako; kachi ikiye napu, kaha kulichuma chipwa chakuhenga, kaha kuli kufutula cha mbuto kumwe. Kukuputuka chapw mujila kana. Mwomwoika? Mwomwoika vachilingile ngana? Mangana vahungumwisenga nacho. Mukakumutenga, Satana, achili lika nakuzachiaho hali ikiye, lika, mumakumbi akumakumishilo.

¹²² Echa ngwimane hano chindende kaha. “Chamwaza!” Enu munatachikiza, hakwenyeka chatete, mukaye kosena, ka kaye, mokomoko mwahita kaye, mwapwilenga mapwevo wamwaza? “Omwo vana vamaunga va Kalunga vawene vana vamaapwevo vavathu vawwaza, vakiko vavambachilenga mapwevo.” Echi chakwoloka?

¹²³ Enu munamono echi kutohwa cha kuwaha cha mapwevo mulikumbi lino? Ngunamono chifwanyisa cha Pearl O’Brien, uze apwilenga pwevo wamwaza chikuma mulifuchi, lwola lumwe. Kakwapwilenga kanyike wapwevo muli ize shikola oloze amuhambakanyine ikiko, kukutwala kukuwaha.

¹²⁴ Kuvula cha kuwaha cha mapwevo chili nakusolola lwola lwakuhungumwisa. Lwola muka liuka lyasolokele kuwaha kuhambakana omu lili lelo? Vyuma vyosena vili nakusoloka unene, mazuvo amanene, kaha jimiliyoni ja *echi* na jimiliyoni ya *chize*. Kamweshi nakumonako, “ikiye,” mukakuhungumwisa!

¹²⁵ Jino, kaweshi chuma chinahase kuzezuka nge ikiyeko, kaha ikiye vamatunga ngocho mangana ikiye ahase kuhungumwisa. Kaha Satana ali vene nakuzata hali ikiye lelo, mumakumbi akumakumishilo, mwomwo ikiye napu mukakumutenga. Ngunahase kwinjikiza echi jino. Kuya vene kumaputukilo, hiya aputukile kuzata hali ikiye, Alama mokomoko Satana, Kalunga mokomoko Satana? Talenu, uze napu mwiji wenyi. Ikiye napu chitwa chenye chachinene chakumbila lunga mumajilo eyi, hakupwa pwevo wamwaza, ikiye nahase kuyengesa lunga mwosena omwo ikiye natondela. Ndumbu walunga, echi kacheshi cha mukakunwa wala hano nakumbata lunga; chinapu pwevo wamwaza kutambuka mujila, kulinyengesa lyavene, oku navwale chachimbwa. Echi chikiko chalingisa . . . Uze ikiye mukakuhungumwisa haze vene. Kaha ikiye nakupwa wakufwa na echi, ali vene wakufwa. Enu munahase kunguhula hali Satana kupwa mukakumutenga, oloze ou ukiko Muchano. Satana ikiye amutengele ngana. Ikiye hanga alinga lika.

¹²⁶ Echa nguminyikile enu chumachimwe mu Chisoneka. Ngwatela kumitwala kunyima ya Chisoneka, kaha enu namufumisamo vishinganyeka shimbu namutala hali echi lelo.

¹²⁷ Satana ikiye amulenga mukuwaha kana. Kachi etu natutalisa, ikiye apwilenga umwe wamwaza hali Vangelo vosena

muze Mwilu. Echi chakwoloka? Kaha ikiye afwila kulinga Mwilu chipwenga chihela mwaza chikuma kuhambakana wangana wa Mikaye. Echi chakwoloka? Nawa, kusolola nge Kena apwile na mwanenyi walunga, ikiye ahanyine kulifukula chamwaza, awahishile tumenga twenyi na mihako na jitemo, na vyangocho. Echi chakwoloka? Chamwaza! Shili yapwa yamwaza, evi tweji kuvulukanga kupwa kuwaha lelo. Kaha shili yeji kuhungumwisa, hakuwaha. Ove kaweshi kutala hali uze pwevo kuya mujila na kumulweka chuma muka chili mumuchima wenyi. Talenu? Oloze Ngwatondele kuhanjika vyuma evi mangana ove uhase kumona mwomwoika Satana napu mukakumutenga. Echi chili vene chakwoloka, mwana walunga enjikijile, Kena. Jino, ikiye ali wamwaza shikaho nahase kuhungumwisa.

¹²⁸ Aka kaye kanapu kamwaza shikaho kanahase kuhungumwisa. Ngunalumbununa *kosmos*, chiyulo cha kaye. Echi chinapu chamwaza chikuma chinahase kuhungumwisa, vihela vyamwaza kaha vyachiseke.

¹²⁹ Anuka uze kapolofweto, Amos, omwo ejile na kutala muze mumbongi, kaha kumona nge kutona chamu Hollywood, meso eyi amwaka amandende, mwishi ya jikambu jawele kusukama kumeso eyi. Kaha ikiye kutambuka nakushikumuka na Mujimbu, kaha kutotoka Echi kuweluka chize chihela. Ikiye ngwenyi, “Uze vene Kalunga enu mweji kuvulukanga kuzachila, mwakaya nakukwenyeka!” Echi chakwoloka.

¹³⁰ Shili, yinapu yamwaza. Vakiko vamufwanyishile Yuta nge kupwa chitakwa chawala kusoloka hano mujila kumwe, kaha mukanwa mwato navajiji, kaha navyangocho, nge Yuta. Yuta apwile wamwaza, wakujikiza, mukakuhungumwisa. Kapwilenga nge uze mukweze ali nakukutala ove, keshi nge uze mukweze uze (jimi wamwaka) kwiza na jiovwoloshi, nakutala hali pwevo lyove; apwile uze washinyinyi, ikiye apwile wakuhichilila.

¹³¹ Shili yapwa kuwaha cha meso a kaye, oloze Kalunga kasoloka muli chize kuwaha kanako. Enu mwatachikiza ngocho? Kalunga ali solola mu vilinga, vilinga vya mwaza.

¹³² Mu Mbimbiliya, Isaya 53, kachi enu mwatondo kusoneka echi Chisoneka chisonekenu. Chikwechi mikana ya Chisoneka chakusoneka kusali eyi kuno. Isaya 53, eyi Mbimbiliya yahanjika ngwayo kuli Mwata wetu Yesu, uze, “Kakweshi kuwaha chakumufwila Ikiye ko. Kaha etu nge vaze navasweka meso avo kufuma kuli Ikiye.” Echi chakwoloka? Etu katwamuzangileko Ikiye, mwomwo Ikiye apwile wamwaza. Ikiye apwile vene mukweze wamundende, wakwimika vifwiji, kusoloka wamanya, kaha Ikiye apwilenga wakufwila kupwa twamina. Ikiye kasolokele kupwa nge twaminako. Kuhanjika chize chihanjikila, kaha navyangocho, nge vathu navalinga ngachize, vathu

vamokomoko, shikaho Ikiye kasolokele kupwa nge Ikiye apwilenga kala mukakutangako, wakutanga, wamwaza, wakuvwala kanawa, kaha vyuma vyosena. Ikiye apwilenga vene nge Muthu kaha. “Kakwapwilenga kuwaha na Ikiyeko, mangana etu tumufwile Ikiye ko.” Ikiye atambukile nakwingila na kulovoka muli muthu, hazevene, vakiko kavatachikijile Hiya Ikiye apwilenga ko. Ikiye kasolokele nge kalunga apwilenga nakutambukako, chuma etu tunahase kushinganyeka apwile kalunga. Oloze, chochimwe, Mukiko apwile!

¹³³ Enu mwatalisanga omwo Mwata Kalunga ahanjikile kuli—kuli Samwele, “Yako kuzuvo ya Yese kaha ukawaviseko umwe hali vana venyi, kupwa mwangana, wakushisa muchihela cha Saulu?”

¹³⁴ Jino, vathu vasakwile Saulu, omwo Samwele ahonene vakiko kulinga chize. Ikiye ambile ngwenyi, “Kalunga katondele enu kupwa na mwangana ko; Ikiye napu Mwangana wenu.” Kaha ambile ngwenyi, “Kutala Ngwahanjika ho lyehi chumachimwe kuli enu, mu Lijina lya Mwata, shina chejilenga nakuhita kaha? Kutala Ngwamilomba lyehi mali mokomoko *chuma chikwavo*, chahakuyoya chami?”

¹³⁵ Vakiko vambile ngwavo, “Nduma, ove kanda utulombe mali. Kaha kala chuma ove wahijikile, mu Lijina lya Mwata, chejilenga nakusoloka. Oloze etu twatondo mwangana, mwosena omwo,” shikaho vakiko vasakwile Saulu. Tala chuma kaye keji kusakulanga! Tala chumamuka va Isalele vasakwile! Isalele, Kalunga amuwavishile, vakiko vasakwile muthu uze apwilenga na mutwe na vifwiji helu lya kalamuthu muze mulifuchi; wapuho, wamunene, wamwaza, kusoloka mukweze wamwaza, kaha ikiye lwola lwosena apwilenga wakutuka mumaji.

¹³⁶ Oloze Kalunga ngwenyi, “Yami nanguya nakumisakwila enu mwangana mwapwa kusakula Chami.” Shikaho Ikiye ambile ngwenyi, “Samwele, Kangweshi kuya nakukulweka ove nge ikiye hiya, oloze yako kuze. Ikiye napu wakufuma hali umwe wavana va Jese.”

¹³⁷ Kaha Jese, na pwevo lyenyi, kaha vosena vatalile talile, vambile ngwavo, “Eyo, mwanetu walunga watwatwa, ikiye wapuho, wamusuku, lunga wamwaza, ikiye mwakasoloka kanwa mumuchama wa wangana. Ikiye apwa wautongwe. Ikiye apwa wakutanga. Ikiye napu muthu wamwaza. Ngunatachikiza ikiye mwaya nakupwa wakwoloka. Ikiye eji kuhanjikanga kanawa.”

¹³⁸ Omwo vakiko vamunehela kumufumisamo, Samwele ambachile mulondo wa maji na kuya kuli ikiye. Ikiye ngwenyi, “Nduma, Mwata amukanyine.” Shikaho ikiye ayeile mujila yenyi, nakuli vaze vana va sikisi, kaha Mwata avakanyine vosena vavo. Ikiye ngwenyi, “Kakweshi umwe wekako?”

139 “Mamalelo,” ikiye ambile ngwenyi, “eyo, kuli umwe, ikiye nayi nakulisa mikoko. Ikiye eji kutwama kaha kunyima kuze na kwimba myaso, kaha kwimba, na kutambakana, na kutwalilaho. Oloze, ikiye wamundende wakwimika vifwiji, kusoloka mukweze wamanya hakumutala, ikiye keshi kuhasa kupwa mwanganako.”

140 Ikiye ambile ngwenyi, “Yako umumbate.” Kaha shimbu Ndavichi ejile kumeso a kapolofweto, uze kapolofweto alahile na maji na kuhingunuina ha mutwe wenyi, ngwenyi, “Echi chinapu kusakula cha Kalunga.” Keshi kuwahako; oloze vilinga. Kalunga eji kutala ha vilinga.

141 Lunga kupwa nakuwaha chauthu. Echi chili chakuhungumwisa. Kaha echi mulonga pwevo apwile wakuhana kuwaha, ha kuhungumwisa, nakuhungumwisa. Pwevo wamwaza, kachi ikiye mwahona kuzachisa echi mujila yakwoloka, chinapu changu hali ikiye; nge nauya nakumutuma ikiye muhetese kuhambakana kala chuma nawa Ngunatachikiza. Kachi ikiye ali kaha...Kachi ikiye nahase kupwa wakuwaha, punduvene, kupwa kaha ikiye kutwama na lunga lyenyi na kulinga chuma chakwoloka, kaha chize—chize chili chamwaza na kusoloka kanawa. Oloze ikiye nahase kumbata chuma chochimwe na, yami, omu ikiye nahase kuhungumwisa na echi, mwomwo apwile nakuhana pwevo mangana achilinge.

142 Talisenu, jino, oloze Kalunga asolokela mu vilinga. “Kuze kakwapwile kuwaha etu twatela kufwila Yesu,” oloze kakwapwile vilinga vyangana nge Ikiye ko, hano hamavu.

143 Jino etu tunawane, lelo, nge—vize vilinga vya liuka, Satana na lizavu lyenyi, tala hanyima ya yayinene, mauka amwaza, vyuma vya mwaza. Omu mukiko kaye kanasoloka lelo. “Mamalelo, ali pashita, wamunene lwola lwalunene na *munganji mukananga, munganji mukananga*, shikaho upilishitu na kumukomoka kalunga, kutambuka nakulovoka, vikuto vyavinene, kaha vyuma vya ngachize.” Vakiko vavulukile chize kupwa chamwaza.

144 Oloze vakakujila ja Kalunga kusoloka ha vilinga vya kwinjikiza Lizu.

145 Muze mukiko vakakujila valingile muli lize likumbi, omwo vakiko vamwene Yesu. Ikiye kapwile chumako nakutala, oloze vakiko kumona Kalunga apwile muli Ikiye. Vakiko vamwene Kalunga apwile na Ikiye.

146 Ou ukiko vaze, Joab na vize vilinga na Ndavichi, na mukweze wamundende, oloze vakiko vamwene chize—uze muthu apwilenga muli ikiye. Vakiko vamwene nge Kalunga apwile muli ikiye, kaha vakiko kutachikiza ikiye apwilenga nkwiza nakwingila mungolo ja likumbi limwe. Vakiko... Umwe avajihile vakiko vandumbu vimalunga vatanu va

Ngolyate, livoko limwe. Umwe ajihile malunga vatatu; omwo mapwevo vamwe vapwilenga nakumbata makunde amwe hakulya chachingoshi, kaha liswalale kuya, kaha ikiye kumbata likunga na kujiha malunga vatatu, Vafwilishite. Vilinga! Mwomwoika? Vakiko vatwamine mwakwoloka kuli Ndavichi. Vakiko vatachikijile kuwavisa apwile hali ikiye, kah vakiko kutachikiza ikiye apwile nakwiza mungolo.

¹⁴⁷ Chifwanyisa chitoma cha Liuka lelo chize nachimana na Lizu! Etu tunatachikiza Echi kuya nakulinga kwinjikiza. Etu tunatchikiza Echi chili na kwiza mungolo ja likumbi limwe. Chipwe Saulu. . . Kaha ikiye apwilenga mukakuchina kufuma mumafuchi, oloze vakiko vatachikijile apwile nakwiza mungolo. Etu tunatachikiza Ikiye kwiza mungolo, nawa, shikaho etu kumbata Lizu na kwimana haze vene, chipwe ngachilihi chumamuka nayipwa fweto. Kachi etu natupwa nakuvatula Vafwilishite, mokomoko kutumbuka muwina na kujiha ndumba, nge omu alingile umwe, etu kuya kaha, mwomwo echi chili. . . ize ikiko jila ya Kalunga kuyitunga nge omu yapwa. Etu kutala ha vilinga.

¹⁴⁸ Enu munahase kunguhula, “Mwomwoika Ikiye etavilile ikiye kumutunganga ngachize?” Kangwazangile kumbata lwola lwaluvulu, mwomwo Ngukwechi kuhanjika hano. “Mwomwoika,” chihula chihase kukatuka jino, “mwomwoika Kalunga atungile pwevo mujilakana? Mwomwoika Ikiye etavijile pwevo ngachize?” Echi chapwile ha chiseke chakuwaha Chenyi Ivene. Punduvene.

¹⁴⁹ Jino kachi enu mwatondo kufukununa mu Mbimbiliya mumunyutu kaha, echa tufukunune ku Loma 9, munyutu kaha, kaha nakumilweka chumachimwe, omu Kalunga eji kulinga vyuma kana, kachi enu mwatondo ku—kutanga echi. Kaha etu tunahase kumona hano chuma muka Kalunga eji kulinganga kuwaha Chenyi Ivene. Loma 9:14.

Kahajino etu *natuya nakuhanjika ika jino?*

Kuli kuzeneka kwoloka kumeso a Kalunga? . . .

¹⁵⁰ Omwo Ikiye asakwile Esau, mokomoko kusakula Yakova kaha kukana Esau, shimbu kanda kanyike walunga apwenga na lisesa lya kusakula, lyavene, naumwe wavo; shimbu kanda vakiko vasemuke, vachili mulijimo lya nevo, Kalunga ambile ngwenyi, “Ngwajinda Esau, kaha Ngwazanga Yakova.” Talenu? Mwomwoika?

Mwomwo ikiye nambe kuli Mose ngwenyi, Nanguteteleou vene Nangusaka kutetela, kaha Nangwivwila keke ou vene Nangusaka kwivwila keke.

Shikaho kacheshi. . . chakuli ou mwasaka, chipwe. . . chakuli ou mwalahilako, shina chakuli Kalunga kaha, ou mukakutetela.

Mwomwo mazu vasoneka anambe kuli Fwalo ngwavo, Hakiko vene Ngunakufumakanyishila, mangana Ngwami ngusolole ngolo jami muli ove, kaha mangana ngwami lijina lyami vakalyambululenga hamavu osena.

Shikaho...ikiye (Jino tala hano)...-kaho...ikiye mwatetelou nazange kutetela, kaha mwakaluhwisou nazange kukaluwisa.

Kaha jino...naungwamba ngwove, Achili nakuhanyina ika ikiye...mulonga? Ngwove mwomwo iyaze nalikange na mwaya muchima wenyi?

Oloze, Ove muthu, yoveyaze numba umuhilwile Kalunga mazu? Chuma chakutenga chambe kuli mukakuchitenga ngwacho, Unangutengela ika ngana?

Nyi tengi keshi kuhasako numba, kutenga nauma mwaya muchima wenyi kutengamo na chuma chimwe chaulemu, nachuma chikwavo chakuhona ulemu muwunga woumwwe?

Kachi nge Kalunga, netavila kusolola utenu wenyi, na kulingisa ngolo jenyi kumutachikiza, oloze hakuwitalililanga...vyangachize chikoki chikuma anjiwilile vitengo vya vyuma vya ndombo evi natengele kuvinongesa:

...kaha mangana ngwenyi luheto lwaupahu wenyi akalujimbwile ha vyuma vya kutetela, evi avangilile kulongesa ngwenyi vikapwenga kuupahu,

¹⁵¹ Jino lipike na Echi chindende. Kalunga achilingile! Ikiye atelete kuchilinga mujila kana. Chatela kupwamo vene. Jino ivwililenu. Jino ha minyutu yitanu, Ngwatondo kusanyika kwivwulila kuli chumachimwe.

¹⁵² Kalunga Chumamuka? Kalunga napu uze unene wa Hayamyaka. Hakuputuka, kunyima okwo shimbu kanda kupwenga maputukilo, Ikiye kapwile na Kalunga ko. Enu mwatachikiza echi? Kalunga napu “chuma chakulifukulako,” kaha kuze kakwapwile chumachimwe chakulifukula kuli Ikiyeko. Ikiye ayoyelenga ukawenyi.

¹⁵³ Kaha muli Ikiye mwapwilenga tengeso. Tengeso chuma muka? Chishinganyeka. Jino enu namuya nakumbata chumachimwe chize nachiya nakutetekela kuli ufukuuno. Talisenu, Ikiye apwilenga tengeso Yenyi ize yapwilenga muli Ikiye. Jino, yapwilenga muli Ikiye chakupwa Tata, chapwilenga muli Ikiye chakupwa Kalunga, chapwilenga muli Ikiye chakupwa Mwana, chapwilenga muli Ikiye kupwa Mulwilo, chapwile muli Ikiye kupwa Mukakuka. Kaha vyuma vyosena evi hano vyapwa kaha kusolola tengeso Yenyi. Kakweshi chumachimwe chafumu muchiyulo. Enu munashinganyeka Kalunga keshi kumona makumishilo kufuma kumaputukiloko?

Punduvene, Ikiye nahase. Kakweshi chuma chafumu muchiyulo, chili kaha nakusolola tengeso Yenyi.

154 Jino, Ikiye kahashile *kupwa* kaha na kupwa muthu wakuhona. Ikiye amuhakile ikiye ha kupwa hamwe, ha kukasunuka, ahase kulisakwila ivene, oloze kutachikiza nge ikiye mwaya na kuholoka.

155 Jino, Ikiye keshi kuhasa kupwa Mulwiloko kuvangila chumachimwe chinajimbala. Ikiye keshi kupwa Mukakuka kuvanga chuma umwe na viji. Vyuma kana vyatela kupwa mujila kana. Kalunga atengele mujila kana mangana tengeso Yenyi yayinene yisoloke. Kachi kachapwile ngachize, Ikiye kanda lyehi apwenga Mulwilo. Oloze etu tunatachikiza Ikiye apwilenga, numbathuhu shimbu kanda kupwenga lwola, Ikiye apwile Mulwilo. Ikiye apwile Mulwilo, shikaho kwatela kupwa chuma chimwe chajimbale. Nachiya nakupwa ngachilihi?

156 Kachi Ikiye mwambata na kujimbalisa, mangana alwile, jino kacheshi muchiyulo ko mukusopesa Chenyi. Ikiye keshi kuhasa kutuma muthu muhetese, kaha apwenga wakwoloka. Ikiye apwa kanawa, wakuunda, wamuchano, wakushishika, kaha Ikiye apwa Mukakusopesa wa munene. Talenu, Ikiye mwakaya nakuzata na Lyavene.

157 Shikaho Ikiye atela kuhaka muthu hano, kaha nakumulingisa ikiye kupwa ha lisesa lya vathu, shikaho ikiye mwaya, kutachikiza, nachiya nakuholoka; kaha muthu, mu chifwanyisa Chenyi Ivane, mwaholoka ngachilihi? Jino enu kumona Kumunyika cha likumbi? Shikaho, Ikiye atelele kutunga chuma chakufuma kuchikwavo, chumachimwe chakufuma kuchuma chatete. Jino enu mwachimono. Talenu? Muneza nakumona. Talenu? Kahajino, echi chikiko chaholokele. Ikiye achilingishile, kutachikiza nachiya nakuholoka. Kaha vanachihake mumavoko a Satana, kupwa chitengo chakuzeneka kulema. Kulihi kuli kulema vanakindulwisa lelo? Enu munashinganyeka hali echi. Talisenu kanawa jino.

158 Jino cheka nawa, mwomwoika ikiye vamutungile mujila kana keshi nge omu vapwa vakwavo mapwevoko, mwomwoika apwila pwevo wakatunga ngachize keshi nge mwavakwavo mapwevoko? Kakweshi mapwevo veka vapwile wakatunga nge ngachize. Vakiko kaveshi ngachizeko, lelo. Vakiko kaveshiko. Wakuhona kutanga mujila kana, ikiye keshi kuhasa kuchilingako. Mwomwoika jino Ikiye atengele ou pwevo ngachize, pwevo, kupwa nge mapwevo vakwavo, shikaho ikiye mwaya nakupwa mujila yoyimwe, nahase kulela vakemba jenyi? Kahajino ikiye mwaya nakupwa na lunga lyenyi, kaha kuyoya; kaha omwo lwola nalwiza lwakupwa nakemba yenyi, ikiye mwapwa na kemba yenyi. Mwomwoika—mwomwoika Ikiye alingile ngachize?

159 Kangweshi kuhasa kuhanjika wa mazuko. Kaha enu namwivwushisa chumamuka Nguli nakuhanjikaho, keshi ngochoko? Kachi enu munevwushisa, hanjikenu “amena.” [Chikungulwilo ngwacho, “Amena.”—Muka.] Yaah. Talenu? Kuze kuli vanyike vampeve vanatwame hano, kaha vakweze vamaunga, talenu. Oloze enu munatachikiza, kanyama atela kwiza halwola lumwe lwa mwaka, jino nauliwana na chilunga, jino mukiko kaha. Oloze, pwevo wamuthu, kala lwola. Kaha mwomwoika Ikiye atengele ikiye mujila kana?

160 Jino tala kwala Chenyi chachinene kuvungunuka, shimbu etu tuli nakuya nakuhitamo hano jino, kupwa kaha mukukupuka nge kukupuka chinahse. Ngwahonene kutachikiza palanga likumbi likwavo.

161 Mwomwoika Ikiye amutengele ngachize mukuputuka, nge vosena mapwevo Jenyi vosena? Mwomwoika nachiza nakwiza nakupwa chakuzeneka kutela na Ikiye. Ikiye napu Kaselwoke wakutoma chosena. Ou ukiko mulonga Ikiye etavilile Satana amukwate, chuma echi chakuchongonona. Tengeso kana mwaya nakupwa ngachilihi, keshi kuya na kwiza kuli Ikiye, kukuputuka wakutenga ngachize.

162 Milimo yenyi Yosena ize Ikiye atengele, mu kuputuka, ili nakutwalilaho. Milimo Yenyi yosena yakumaputukilo yapwile nakutwalilaho. Kawa wachipwevo, kawa wachilunga; talenu, ngombe wachipwev, ngombe wachilunga; vyuma vyosena vyatwalileho. Tengeso yosena kutwalilaho. Mbutu yeji kufwa, kwingila mumavu; chochimwe nge kufwa, kufunda, kusanguka. Aze meya amutondo kushikumuka kwishi, kuholola mafwo, kwiza nakukinduluka cheka mwaka nawizaho na kusanguka mu mafwo amahya. Talenu omu Ngwatwale? Vyumavyosena, numba tengeso, ya Kalunga, ili yosena mukutwalilaho, muli umwe; kaha hano hakiko hali umwe wakutenga kufuma mukutwalilaho cha Kalunga. Tengeso vayitenga kachi kayatela kuvulumuna shiliko. Shinganyeka! Tengeso yakufuma kutete, ya Kalunga kayeshi kuhasa kuvulumunako.

163 Mamalelo, kamweshi enu na kumona echi jino, mukutala hano, kuchongonona cha liuka? Eli Lizu Iya Kalunga lyatete! Kakweshi shili muli Kalunga ko. Talenu omu Ngwatwale? Hano hakiko hali tengeso yejile nakuyoya ha kuchongonona. Kalunga ali nakuya nakupwa na Liuka, oloze tala hali echi chuma vana chongonona vakiko kupwa hano.

164 Kalunga atwama na lunga na pwevo. Oloze, uze mapwevo, talenu, vize vinjikizo kusolola kunyima chumamuka chapwilenga mu vishinganyeka vya Kalunga. Etu tunahase kumbata ola, mokomoko vavali, na kuhokola chize. Ikiye... Atungile ou tengeso muli ize jila, Ikiye atengele tengeso na kumwalumwina kuli Satana mangana amukwate, kaha

ikiye achilingile. Ikiye hanga ali nenyi. Ikiye atela kuchina nakuchinyina ku Kulusu, na lunga, nawa.

¹⁶⁵ Talisenu, tengeso yosena ili mukulwalilaho. Kachi Ikiye atangile pwevo mu lwola lwolumwe mutengeso yatete, kachi kakweshi shiliko, mwomwo ikiye kachi kahashile kuchilingako, ikiye kachi kachilingile ko. Ikiye napu kuchongonona cha tengeso yatete.

¹⁶⁶ Shikaho shili yosena chikiko kuchongonona cha Muchano watete! Makuli chumamuka? Unapu Muchano vanachongonona. Ujila chumamuka? Chilinga chakwoloka vanachongonona. Shikaho mukiko chili na tengeso vanachongonona, kuli kuchongonona chuma chosena. Kaha chuma chosena vanahanjika s-h-i-l-i, kupwa haze vene. Echi chikiko chihula chili chachinene.

¹⁶⁷ Chihanda kaha, chipalapala, chakufuma kulimmuthu, kuhungumwisa nacho ikiye; Kalunga achitangile, hano vene kuchinjikiza. Omu mukiko ikiye vamatungile.

¹⁶⁸ Pwevo waujila napu chuma chakushikumwisa chize vanahse kushinganyekaho, hano hamavu. Ngukonekelenu, vakweze vamapwevo vakalemesa. Ikiye keshi chumako shina ngungulu ya uthu, lihule kaha. Mukiko kaha ikiye ali, pwevo waujila, napu ngungulu ya muthu mukausunda, wakupihya, kuze unyengwe, majilo, wamatoto chikuma, unyengwe wakwishi kaha vambila muli ikiye. Mwomwoika vamatungile mujila kana? Mangana ahungumwise. Kala shili ize yapwileko lyehi hano hamavu vayinehele kuli pwevo.

¹⁶⁹ Kaha muthu umwe mukakukekesa kufuma ku Chicago, nge—nge mapwevo asonekele ou mukanda, ngolo jaupokola, nge vakiko vahangile, mu United States, metropolitan United States, nge, “Nayite eyite peseti ya ukenya uze valingile muchifwanyisa kana, mu United States, kuze kwapwilenga pwevo muli echi mokomoko kunyima yacho.”

¹⁷⁰ Jino Nguli nakuhanjika vyosena evi, kuneha chuma chimwe hano kumakumishilo, mangana enu muhase kumona ukalu ulihalihili.

¹⁷¹ Ikiye vamatungile mangana ahungumwise, nge omu alingile Alama hakuputuka, kumulweka nge muhako wapwile wamwaza, kaha na vyangocho, kuhungumwisa ikiye nakumufumisa kufuma mu Lizu. Omu mukiko liuka lyeji kulinganga na lelo, chumachochimwe.

Oloze jino, hanyima yachize, ikiye ejile nakupwa twamina, wakumuyula.

¹⁷² Jino chihandwa muka mulikumbi lino, mu likumbi lya kuhungumwisa. Kachi ikiye hakupwa twamina yenyi, kuli ikiye napu kalunga kenyi. Punduvane, ikiye mwakamuyula. Jino ove unahase vene kwivwushisa chumauka Ngunapunga

nakuveta hali chize. Ha kuwaha chenyi na hakupwa nakuhona kufungulula usunda, omu mujimba wenyi vautunga vauhanyine kuli Satana, chize chakufuma kuchuma chimwe chize Satana alingile, ikiye vamutuma kuhungumwisa vana vamaunga va Kalunga. Kaha pwevo nahase kushinjikila vavavulu muhetese kuhambakana kala chitwa chozena Satana akwechi. Echi chili vene chakwoloka.

173 Nguli nakuhanjika hali vakaujila jino, keshi enu vandumbu vama pwevo. Etu natuya nakukuhana chihela chove, hanovene, muminyutu yayindende, mu Lizu Iya Kalunga hano. Echi chapwile mu punga ya Kalunga kukuputuka—kuputuka.

174 Jino kulinga echi lelo, nyi kalunga ka United States hiya? Enu anukenu mu mbalaka kunyima okwo, Ngwanangwile hali chize? Ou kalunga walelo wakutona, wamundende wakulilenga kutwama kuze nakulilenga, na kuvwala ndeleji yakuhambakana mambuli eyi, kaha vyuma vya ngachize. Ngwambile ngwami, “Talenu kalunga kenu!” Kaha echi chakwoloka, ikiye atwama hakala kuvilika chachuma, navyale chachimbwa. Ikiye atwama mujila, mujila yoyimwe.

175 Napu chizachiso cha Satana, “kufuma kukuputuka,” Yesu ngwenyi. Talenu? Etu twamono echi chili shikaho jino, kaha “kufuma kukuputuka,” kaha chuma muka Ikiye ali nakuhanjika.

176 Jino, vase kavamutachikiza kalunga ko vapwilenga nakumulingisa ikiye kupwa kalunga, (enu mwatachikiza chize?) likombelo. Punduvene mukiko apwilenga. Vakiko vamulingishile ikiye kupwa likombelo, mwomwo vakiko vapwilenga na nakulinga ujila mukulifukula chavo. Vakiko vavulukile nge, “Ikiye apwilenga tengi. Mujimo ikiye ambachile mbuto na kutenga.” Aze akiko makuli. Kuli kaha Tengi umwe, napu Kalunga. Oloze enu anukenu Paulu kuze? “Diana, waku Efwesu,” chifwanyisa cha lilolwa, ambile ngwenyi, “tulunga twa Mwilu, vamumbilile hamavu.” Kamweshi nakumona kulifukula cha vakakuzeneka kutachikiza kalunga?

177 Kaha etu, hakuhona kutachikiza, kwalumuka nakuya kuli vakakuzeneka kutachikiza kalunga nakulifukula cheka, kuli uze pwevo, uze vene apwile wakushikumwisa hano hamavu, kulifukula kuli pwevo! Ikiye mwakasinjikila lunga mukala jila ikiye natondo. Kaha kuhona kutachikiza, chize kuwaha chosena chakuweluka, ize hetese ili mukachi kenyi. Solomone ambile ngwenyi, “Ikiye, vikolo vyenyi vinapu vikolo vya hetese.”

178 Jino etu twamono hatoma hano chuma muka Yesu ahanjikile mu Kusoloka, kapetulu 2 na vasi 15, ha kunangula cha Nyikola, hakwiza cha liuka kulifumisa mu Lizu.

179 Nawa etu tunahase kumona hano, hatomato, ava vakasautu, vakuzeneka kumukomoka kalunga, kwala chamajilo eji tuli najo ha visaji ya mivwimbimbi, yamu masano vaujila vamu

Hollywood. Etu kumona aze majilo ayino mbongi, bge ava vanyike, vanyike vamapwevo vakukola kutambuka oku noku mujila hano, na kakandende, uvwalo wakulikwata, kupilumuka nakujingiuluka, kaha kupwa nakuheta haseteko yakututa nakuma nakukufwa. Vakiko kavatachikijileko nge liyavolo ikiye ali nakulinga chize. Vakiko vanapu vakuhetuwa na shipilitu wamupi, kaha kavatachikijileko! Enu kamweshi nakumona chipwevo cha kawa kulinga ngachize, mwachimona lyehi? Enu kamweshi nakumona kala pwevo kulinga ngachizeko, kaha kakweshi malunga wakulumbunuka mwaya kuli ikiyeko, mwosena omwo.

¹⁸⁰ Talenu, jino enu mukwechi chifwanyisa? Etu natuya na kujimbula chumachimwe mukatando kakandende, nge Mwata netava.

Jino enu mwamono Yikolata, enu mwamono kunangula chavo.

¹⁸¹ Enu mwamono masano vavanyike, vakiko vavavuluka, ava vakulizula kulovoka mujila. Vapwilenga nakupwa navamwe vakasautu kusolola kusali, kumona vakulizula. Sokolola meso enu, talenu mujila, echi chikiko enu mwatela kulinga jino. Chumachosena chinapu chakulizula. Punduvene. Chumamuka vakiko valinakuchilingila? Kuyanjisa, kweseka, chize chikiko kaha chuma ikiye nahase kulinga. Ikiye achilingile mwomwo ikiye kupwa wamajilo. Ikiye achilingile mwomwo ikiye achilingile mujila kana. Ikiye keshi nakutachikiza ikiye kupwa zachiso mumavoko a Satana, kaha omu mukiko ikiye ali.

¹⁸² Namumashikola lelo, vakiko vali nakutangisa vilinga vya usunda. Kaye ketu kakupola ka mapwevo vakulifukula! Ngunatachikiza vakiko kavazangile kufwelela echiko. Kwimana na kwimba myaso yimwe, kaha vyangochi, likumbi limwe; kaha kuze na mapwevo, kulaha nakujinguluka, ufuku wosena. Talenu? Chosena chakwoloka. Omwo, mumeso a Kalunga, eli Lizu, ikiye napu wakushimuka hali tunyama vosena vase Kalunga kuhaka hamavu. Talenu.

¹⁸³ Shikangaho Kalunga akanyisa ikiye kunangula Lizu Lyenyi. Echi chakwoloka. Chimoteu Wakulivanga 2:9-15, “Kangweshi kwitavila pwevo kunangulako, chipwe kupwa na lusesa kalako.” Talenu? Kaha nawa Kolinde Watete 14:34, “Echa mapwevo jenu vahole kulu mumauka, mwomwo kavavetavijile vakiko kuhanjika, mwomwo vavalwekele kupwa wakuhole kulu; mukiko mwanambe Lushimbi.” Oloze, lelo, chuma muka liuka lyatela kulinga? Vakiko veji kulingisa tufunga, vakakwambulula mujimbu wamwaza, omwo Mbimbiliya yakana echi. Kaha eyi Mbimbiliya yahanjika ngocho, “nge omu nawa Lushimbi lwahanjika,” kuchilingisa kuya lika mukutwalilaho, chuma chivene.

184 Kupwa kaha nge omu apwile mwana Mukoko, ufuku unahichi, chihela chimwe kaha chakulifukula, mwishi ya Manyinga a mwana Mukoko. Echi chili chihela kala lelo, muli Kulishitu. Jila yimwe kaha enu kwiza kuli Ikiye. Echi chikiko kaha chihela chakulifukwila. Echi lwolalwosena chapwilenga muli ize jila. Chihela kaha chakulifukula mwishi ya kumwanga Manyinga.

185 Shikaho jino etu twamono chifwanyisa cha kulifukununa kuli etu. Kuze mukiko ali. Ou ukiko mulonga Kalunga amukanyishile ikiye kunangula, kahashile ikiye kulinga kalachumako muli liuka oloze twamenu na kumeso akufwika.

186 Jino munahase kumona mwomwoika Ngunahanjika vyuma kaha kulinga vyuma vize Ngunalingi, kutachikiza vyosena evi mukachi kamuchima wami, ndumbu walunga, vandumbu vamapwevo? Ngunatachikiza, vandumbu vamapwevo, Nguli . . . enu mukwechi chihela chenu (mukatando kakandende), kaha vilinga vya mwaza vize Kalunga nahase kukutunga ove. Oloze Nguli kaha nakweseka kuhanjika kusali ikwavo, kusolola omwo enu munafumu, “kukuputuka.” Yesu atulwekele “kuya kunyima hakuputuka,” kuwana. Omu mukiko eyi tuli nakulinga.

187 Jino Ngwavetele hamitwe yayinene hali echi chachivulu, kaha Ngwatalila enu kwivwushisa echi. Kaha enu vathu muli nakwivwulila kuli eyi tepu, Ngwafwelela munahase kwivwushisa. Yenu kaha kunyima. Echi chili nakusolola nge Yesu ambile ngwenyi, “Kindulukenu, kufuma kukuputuka, kaha kuwana echi.” Vyuma vyosena, kinduluka kumaputukilo. Enu munahase kumona, lelo.

188 Mwomwoika, vathu, vakiko kuhanjika nge Ngwapwa mukakujinda mapwevo. Echi chili hahasuku na Muchano. Kangweshi ngochoko. Vakiko vavulukile, “Mukakujinda mapwevo.” Anuka, vakiko vavulukile Paulu kupwa mukakujinda mapwevo. Pwevo mukakuzata, keshi kunyima chikumako, ngwenyi, “Mamalelo, ove uli nge kashinakaji Paulu, vyosena ikiye atela kulinga shina kumbata mapwevo.”

189 Mukakujila wa Kalunga, uze vetavilile kusoneka Mbimbiliya, Tesitamende Yayihya, na kukana na Mazu eyi? Ikiye ambile ngwenyi, “Kachi Kangelo kufuma Mwilu mwatangisa kala chuma cheka kuhambakana Echi Ngunahanjika, echa Ikiye apwenga wakwangula,” kwecha mapwevo vamwe kupwa mukunangula.

190 Vakiko vahanjikile kuli Eliya apwile mukakujinda mapwevo. Ikiye apwilenga mukakujinda mapwevo ko, apwile vene pwevo. Ikiye kaha kazangile vaze va Yezeveleko.

191 Kaha kachi echi nachipwa ngocho, kahajino chatela kupwa Kalunga atela kupwa mujila yoyimwe, mwomwo Ikiye napu Lizu lize lyeji kwizanga kuli tupolofweto. Shikaho chatela kupwa Kalunga, mujila yoyimwe, shikaho, talenu, Ikiye atachikiza

tengeso yatete, “kufuma kukuputuka,” Ikiye ngwenyi, “kufuma kumaputukilo.” Vakiko vapwile tupolofweto vase vejile ku Lizu lyejilenga.

¹⁹² Kaha Ikiye amutengele kuli muthu, kaha keshi muthu hali ikiyeko. Watachikijile echi, chize, “Pwevo vamutangilile lunga, kaha keshi lunga kupwa wakutengela pwevoko?” Vangahi vatachikiza echi? Eyi Mbimbiliya yeji kunangulanga chize. Chosena chakwoloka. Ikiye vamuhanyine chihela muli muthu, shimbu kanda kuholoka, kupwa hamwe na tengeso yosena. Oloze “hanyima” ya kuholoka, jino hano etu natuneha mutwe wachihande. Oloze “hanyima” aholokele, ikiye apwilenga mukakumuyula, ikiye atela kupwa wakuholo mumaukalu osena, jino hanyima chize kuputuka chatete kuhita.

¹⁹³ Yesu ngwenyi, “Echi kachapwile ngochoko kufuma kumaputukilo.” Muze mukiko lwola lwa putukile, omwo Kalunga achitungile chatete mu tengeso Yenya yatete. Vosena munevushisa, ngwavo “amena” cheka. [Chikungulwilo ngwacho, “Amena.”—Muka.] Mukuputuka Kalunga atangile lunga umwe na pwevo umwe. Oloze jino pwevo vamutangile mwakuhandunuka kufuma ku tynyama, tynyama veka vakwavo, mangana apwenga mukakuhungumwisa. Jino tala jino, “Echi kachapwile ngochoko kufuma kumaputukilo.” Ikiye vamutangile, kachi ikiye atwalileho kutwama muze mwatete, ikiye keshi kakwapwile mukuholokako. Oloze ikiye anehele kuholoka na kutangasana chize chahokwele chize kutwalilaho na Kalunga, kaha kumbila kufwa, ushona, na vyumavyosena nawa, hano hamavu. Ikiye apwile vamutangile mujila kana.

¹⁹⁴ Jino talisenu. Jino, *hanyima* ya kuputuka, *hanyima* ya kuputuka, *hanyima* ya lwola hakuputuka; kukukinduluka muze, chapwilenga Hayamyaka, kuze. Talisenu, hanyima yakukumisa na Eva, hanyima ya kuholoka, kuze kwatela kupwa chivwasano chikwavo. Jino echi nachiya nakulyenyeka enu, oloze Nguli nakuya nakumihana Chisoneka kwinjikiza nge ou unapu Muchano. Jino talisenu hanyima ya kuholoka, Yesu ngwenyi. . . Kalunga, hakuputuka, alingishile umwe kupwa wamwaza; oloze jino, hanyima yakuholoka, jino etu tuli nakuya kuhambakana chize. Chize chivwasano chapwilenga kupwa hamwe; oloze jino, hanyima ya kuholoka, kuli chivwasano chikwavo vatungile. Jino ikiye kapwilenga cheka mukakuyula ko naikiye, chimwe kupwa nakuhandununa chivwasano.

¹⁹⁵ Jino echa tumone kachi echi chili chakwoloka. Echa tumbate Kuputuka 3, kaha kuwana kachi echi chili chakwoloka, jino shimbu etu natuya, mwomwo etu twatondo kupwa wakukunyuka ha vyuma kana, vakiko vavanangwile nakulovoka na kuneha muchano. Shikaho pamo hano vene etu tuli halwola lwalundende, mwomwoika etu katweshi kwakusukuko kufuma mukakumishilo jino, kuya nakusoka chihanda cha mutwe wachihande, kusolola *mwomwoika* na *chumamuka* ha kumbata,

na vyangocho. Jino mu Kuputuka kapetulu 3, kaha etu natuya nakuputuka jino na vasi 3, na 16. Echa tuputukile ha vasi 14.

Kaha MWATA... ahanjikile kuli linoka, (jino Ikiye mwaya nakungula echi), Mwomwo unalingi—chumechi, shikaho naupwanga uwakwangula kuhambakana na vimuna vosena, ... natunyama vamuvipapa vosena; kaha nautambukilanga hajimo lyove omu muyanga, kaha naulyanganga lukungu hamakumbi ove akuyoya:

Nanguhaka kole nawa mukachi kove na pwevo, namukachi katanga yove na tanga ya pwevo; kaha mukatanga yenyi mwakachika mutwe wove, kaha ove mukaya na kutota kukakukunya kenyi. (Lushimbi, “kwiza kuhichila muli pwevo,” uze Meshiya, kusokola.)

Kuli pwevo ikiye ngwenyi, . . .

¹⁹⁶ Jino tala, jino kuze kuli chivwasano na linoka. Chize, vakiko vapwilenga vosena vakwoloka shimbu kanda, haze hakuputuka, mokomoko shimbu kanda kuputuka.

Ambile kuli pwevo nawa ngwenyi, luyando wove nakwimita na ushona chove nangukavivulisa chikuma; kaha mu ushona ove mukaya nakusema vana; kaha naukajikanga muchima wove kuli lunga lyove, kaha ikiye mwapwa mwata wove, (Keshi cheka kupwa haseteko yimweko chekako.)

¹⁹⁷ Jino ikiye nalumuka nakwalumuka hanovene, kaha ikiye napu mukakuyula.

Ambile kuli Alama ngwenyi, Mwomwove unevwilila mulizu lya pwevo lyove, na kulya kumutondo, kana Ngwakulwezele, ngwami, Kanda ove ukalyakoko. . . echi: shikaho mavu na wapwanga akwangula hali ove (keshi kwangula Alama, ko) kwangula kupwa hamavu hali ove; naulyangako na luyando ha makumbi osena nauyoya;

Nahakusokelanga mingonga. . . na mituwapoko; kaha naulyanganga vyuma vyakusoka hamavu atuta;

Kaha na ulyanga kulya chove na mavule akumeso ove, palanga nomu naukalumuka cheka kupwa mavu; mwomwo kukiko vene—ngwakulolwele: mwomwo unapu ulukungu, kaha naukalumuka cheka lukungu.

¹⁹⁸ Chivwasano vivali. Jino echi cheji kusoka “mu kuputuka,” cha chumamuka Yesu ahanjikile, “Echi kachapwilenga ngochoko ha kuputuka.” Etu tukwechi chivwasano chikwavo jino. Talisenu, echi chili chivwasano chikwavo. Jino kuli chivwasano chakuneha, kaha chakufuma kuchuma chimwe. Talisenu, chize kuholoka kuneha ukalu, kufwa, kuli tengeso yosena ya kutenga, kulinga chihandwa mutengeso yosena. Jino echa tutalenu chuma muka Yesu ahanjikile hali, “kufuma

kumaputukilo echi kachapwile ngochoko.” Jino echi kacheshi ngochoko “kufuma,” echi chili jino “hanyima” ya kuputuka. Jino kuze kuli chivwasano chakufutula kavali.

¹⁹⁹ Chatete chapwilenga chivwasano, Alama na Eva apwile wakupwa hamwe, lunga umwe na pwevo umwe. Jino pwevo avulumwine, kaha (chumauka ikiye alingile?) uze avambilile vosena mukufwa, kaha Kalunga alingile chivwasano hali chize, chivwasano chikwavo. Hano echi chili vene mu Kuputuka 3:16, Ikiye atungile chivwasano chikwavo.

²⁰⁰ Jino kaye katela kuhona kakuvula keshi ha tengeso ya Kalunga ko, nge muze mukuputuka, keshi ha tengeso yateteko, oloze kuhichila mukufwila cha muusunda. Jino echi nachikula “maputukilo,” keshi ngochoko? Mukuputuka kuze kwapwilenga lunga umwe na pwevo umwe, lunga umwe na pwevo umwe; oloze omwo ikiye azaukile mufunda na kuneha eyi shili, jino aka kaye katela kupwa kakuzeneka vathu cheka, hausunda, keshi ha tengesoko; ha usunda. Talenu kulihi pwevo ali jino? Jino, oloze eyi yikiko jila kaye kali navathu vavavulu lelo, kuhichila muli pwevo.

²⁰¹ Ou ukiko mulonga Yesu atelele kwiza kuhichila muli pwevo, kuneha kukindulwisa maputukilo atete cheka, chakuzeneka kufwila chausunda. Ikiye apwa wakusemuka kulisanda. Oloze, haleluya, kuze kuli nakwiza lwola kuze kayeshi kapwa cheka cha usunda, oloze Kalunga mwakaya nakusanyika vana Venyi kufuma mulukungu lwa mavu, kukinduluka nge omu vapwilenga mu kuputuka, keshi kuhichila muli pwevo ko; oloze kuhichila mukutnga cha ndambo na tumalayite twamumavu, kaha na maji, Ikiye mwaya nakuzata cheka nge omu Ikiye alingile na Alama ha lwola lwatete. Yesu atungile echi chachashi, kuli Kalunga kulilingisa Lyavene kupwa Muthu na kwiza muno mukaye mangana Ikiye afwenga, kuhichila muli ou pwevo. Jino lunapu lwola lwakweseka, ha shili.

²⁰² Jino enu mwamono jino, “hanyima” ya kuputuka, chuma cheka vachinehele. Jino echi chili nakuya nakumikomwesa. Mwazeye? [Chikungulwilo ngwacho, “Nduma.”—Muka.] Twamenu kulu kaha nakushimbula chindende.

²⁰³ Jino omwo chivwasano cha kulifutula vachilingile na lunga na pwevo, kuhichila muusunda, chivwasano chikwavo hamwe (keshi chivwasano chateteko, oloze chivwasano chikwavo), jino chumamuka chejile? Luhali, mwosena. Jino, hanyima ya kuputuka, luhali valunehale mulimuthu na mutunyama; hanyima ya kuputuka, chize kuholoka. Kalunga jino, kamuchivali, mwahakako tengeso yayihya cheka, ha usunda. Kalunga atengele watete chakuzeneka usunda. Ove wafwelela echi? Jino echi chinapu chivwasano chikwavo na tengeso, Ikiye achihakile muchiyulo chikwavo, ha usunda. Chivwasano chamuchivali: lunga umwe, mapwevo vavavulu; likuma umwe,

na lizavu lyavihwevo. Echi chakwoloka? Chikunji umwe, lizavu lya vitole lyosena, vitole; ndemba umwe, chipango chato cha vyali. Echi chakwoloka? Ndavichi umwe, uze wa hamuchima Wenyi Ivene, na mapwevo faifi handulendi; na vana handulendi kusemuka kuli ikiye, mumwaka umwe, kufuma kumapwevo vakuhandunuka, hu-huum, lunga wa hamuchima wa Kalunga Lyavene. Solomone umwe, na mapwevo sauzande. Oloze talisenu jino, echi kachapwilenga ngachize kumaputukiloko, oloze jino mukiko chili “hanyima” kukuputuka. Uze pwevo nalingi echi, kahajino ikiye mweza nakupwa omwo ali jino. Talenu?

²⁰⁴ Ndavichi, uze mwangana uze emanyinyineko Kulishitu! Kwatenu echi muvishinganyeka vyenu. Ndavichi kwimanyinako Kulishitu. Enu mwafwelela echi? Kulishitu natwame. . . kuya nakutwama halitanda lyenyi. Kaha ou Ndavichi, muthu hamuchima wa Kalunga Ivene, apwile na mapwevo va faifi handulendi. Talenu omu Ngwatwale? Ndavichi na mapwevo faifi handulendi, Solomone na sauzande. Kaha Solomone uze mwana Ndavichi, muchisemwa; uze nemanyinako Yesu Kulishitu, uze Mwana Ndavichi, mu shipilitu. Oloze echi chili muchisemwa, kuyoya chakufuma muusunda. Echi chili nakuya nakupwa chakushipilitu, kutenga, mwomwoika, kutenga. Talenu? Omu mukiko chatela kupwa kukuputuka, oloze keshi jino muli echi chiyoyelo etu twayoyelema jino.

²⁰⁵ Talisenu, kanda namuhona echiko, chitwalenu mbwe na mumichima. Oloze keshi umwe hali vaze mapwevo vanahase kupwa na lunga weka. Ikiye napu tengeso yatete, keshi ikiyeko. Keshi umwe hali vaze mapweve kupwa nakuhambakana lunga umwe, oloze lunga umwe nahase kupwa namapwevo sauzande. Omu MUKIKO MWANAMBE MWATA. Eyi ikiko Mbimbiliya. Jino Ngunakinduluka kunyima, ngwambatanga lwola na kumilwekesa enu kunyima okwo kuze waputukilile, chumamuka Yesu ahanjikile. Jino enu munamono echi chinasoloka hatoma? Vakiko kachi vavavulu. . .

²⁰⁶ “Mamalelo,” enu ngwenu, “uze apwilenga ka Isalele.” Echi chili?

²⁰⁷ Omwo Apalahama ambachile Sala nakumutwala mulifuchi lya va Fwilishite, kuze kwapwilenga mwangana kuze walijina lya Abimelech. Kaha Sala apwilenga na myaka handulendi yakusemuka, hazevene, oloze ikiye tele vanamwalumuna lyehi kupwa mukweze kaha vamulingishile kupwa wamwaza. Enu munatachikiza echi? [Chikungulwilo ngwacho, “Amena.”—Muka.] Chosena chakwoloka. Kaha Abimelech amutondele ikiye apwenga pwevo lyenyi. Enu anukenu Mujimbu wami hali echi? Abimelech atondele kumbata Sala kupwa pwevo lyenyi. Pamo apwile natujila twenyi, oloze ikiye kachi kamumbachileko mwomwo apwile wakusomboka kuli Apalahama. Shikaho Apalahama ahanjikile kuli Sala, “Kuhanjika nge ove unapu, ‘ndumbwami walunga,’ mwomwo ikiye mwaya nakungujiha

yami mangana apwenga na yove.” Mwomwoika ikiye atelele kumuhanga Apalahama mulifuchi lize, kaha kumbata pwevo lyenyi na kuya? Keshi nge elu lushimbi lwapwilenga na vakakufwelela kaha ko, oloze kuli vathu vosena mu tengeso. Mukashili mokomoko mukakujila, ove uli wakwimanyinako, muthu, ha vilinga evi. Kuze kwapwilenga mwangana wakuhona kutachikiza kalunga. Vangahi vatachikiza nge ou mujimbu unapu muchano? [“Amena.”] Eyi yinapu Mbimbiliya, Kuputuka, ha kapetulu 16, Ngwashinganyeka.

²⁰⁸ Enu talisenu kanawa, Abimelech kachi amumbachile kupwa pwevo lyenyi. Ikiye aliwahishile nge ali nakuya nakupwa na kanyike wapwevo waka Hepelewu. Kaha ikiye ngwenyi, “Echi chikiko yami. . .” Ikiye ngwenyi, “Uze ikiye ndumbwami walunga.”

Ikiye ngwenyi, “Uze napu ndumbwami wapwevo.”

²⁰⁹ Kaha Abimelech ambile ngwenyi, “Nanguya nakumumbata kaha kupwa pwevo lyami.” Munahase kushinganyeka muthu walunga kulichuma kana nge ngachize? Oloze ikiye achilingile.

²¹⁰ Kaha jino uze ufuku, shimbu ikiye ayile nakusavala, uze Mwata alisolwele kuli ikiye muchilota, kaha ngwenyi, “Abimelech, ove unapu chochimwe nge na muthu wakufwa.” Ikiye apwilenga nakukinga aze, aze kapila ka manyinga ka Yuleya, mwamono. Ikiye ambile ngwenyi, “Ove unapu chochimwe na muthu wakufwa lyehi. Ove uli napwevo lyambala ou uli nakuliwahisa mangana umbate.”

²¹¹ Ikiye ambile ngwenyi, “Mwata, Ove unatachikiza kushishika cha muchima wami.” Ambile ngwenyi, “Ikiye angulwekenga nge napu ‘ndumbwenyi walunga’? Kumana keshi lyavene ahanjikanga echiko, ‘Nge ndumwbwami wapwevo’?”

²¹² Ikiye ambile ngwenyi, “Ngunatachikiza kushishika cha muchima wove, ou ukiko mulonga Ngunahone ove kukwitavila kuvulumuna hali Yami.” Echi chakwoloka? Ambile ngwenyi, “Mukindulwishile pwevo lyenyi, mwomwo uze lunga napu kapolofweto Kami. Kaha kuvangile ove mumukindulwishila pwevo lyenyi. . . Kaha echa ikiye akulombelele, keshi kapilishitu koveko. Kachi ikiye mwahona kukulombelele ove, lifuchi lyove lyosena linayi.” Amena. Lize likiko likoiji lyakukomwesa. Chakwoloka. “Lifuchi lyove lyosena linayi. Uze napu pwevo lyambala, kaha ikiye napu kapolofweto Kami.” Amena. Omu MUKIKO MWANAMBE MWATA. Echi chikiko Chisoneka. Chakwoloka.

²¹³ Jino etu tunawane, kufwa vachilingishile. Kufwa chinapu mihako ya shili kuli pwevo, kwiza kuhichila muli pwevo kaha keshi lungako. Kuhichila mujila yenyi yakuyoya muchiyoyelo chenye, kaha hali ikiye, kufwa chosena mukiko chejila. Jila yenyi yakuhana kuyoya shina kufwa. Vangahi vatachikiza echi? Yopa 14, kachi ove unatondo soneka Chisoneka.

214 Ngukwechi, kachi enu namuhula echi, Ngukwechi Visoneka vyakusoneka hali kala chosena echi.

215 Kachi ove unatondo kutanga Yopa 14 kuze, Echi kuhanjika, “Muthu uze nasemuka kuli pwevo wamakumbi amandende, kaha wakuzala na ukalu.” Echi chakwoloka? “Ikiye mweza nge temo, ikiye navamukambako, kaha mwanonga,” kaha na vyangocho. Talenu? Kala muthu wakusemuka muli pwevo, nsemuka mukufwa hazevene ikiye mweza.

216 Oloze omwo ikiye asemukile mu tengeso ya Kalunga, ikiye keshi kuhasa kufwako; ikiye nafumu ku Mutondo ukwavo uze wapwilenga mu Etene, Kulishitu. Kuyoya cha Hayamyaka kwiza kuhichila mu Mutondo.

217 “Mamalelo,” ove ngwove, “ikiye apwile mutondo?” Punduvene. “Chamwaza, vakiko ngwavo, ‘Ove kaweshi kumbata ou mutondo kanako.’ Kalunga ambile ngwenyi, mu Kuputuka kunyima kuze, ‘Ove kaweshi kumbata ou mutondo ko.’”

218 Chamwaza, ou pwevo apwa mutondo. Ikiye apwa mutondo wamuhako. Enu munapu muhako wa mama yove. Ove unapu muhako wa lijimo lyenyi. Echi chakwoloka. Kaha jino muhako wa Mutondo wa Kuyoya, uze wapwile mumilemba ya Etene, napu Kulishitu. Kuhichila muli pwevo mukiko mwejlile kufwa; kuhichila muli Lunga, mu tengeso yatete, muneza Kuyoya. Kupwa wakusemuka kuli pwevo chinapu kufwa; kupwa wakusemuka kuli Kulishitu chinapu Kuyoya. Mbatenu chishinganyeka? Kuze kukiko chili. Jino enu mwamono okwo kwayilenga makombelo, kamwamweneko?

219 Alama Watete na Eva vafwanyishile kupwa Alama na Eva wamuchivali, talenu, echi kuvulisa. Jino kuvulisa cha Alama na Eva chapwile kuhichila muusunda, nakuzalisa kaye, oloze chapwilenga ngochoko ha kuputuka. Kalunga atangile kaha lunga na pwevo, nge Ikiye omu alingile na tengeso Yeniyi yeka, talenu, mulushimbi, kupwa kaha nge Liuka.

220 Jino echa etu, mukusolola cha kwinjikiza Michano ya Kalunga, tonda kulutwe chindende, kachi ove unatondo. [Chikungulwilo ngwacho, “Amena.”—Muka.] Chosena chakwoloka. Jino echi chinahase kukolesa chindende palanga etu natuheta kwishi yacho, oloze Nguli kaha nakuya nakumilweka Muchano wa echi.

221 Kakweshi numba mukakuzata muliuka nahase kumbata tuliwe. Enu mwatachikiza ngocho? Ove unatondo kutanga echi? Chosena chakwoloka, yenu muli Vakalevi, Levi 21:7 na Ezekele 44:22, kaha Nachiya nakusolwesa nge upilishitu kawapwilenga kumbata pwevo uze vanakwate lyehiko kuli lungako. Echi chifwanyisa chinapu cha sanda ya Mwenga wa Yesu Kulishitu, mwomwo vakiko veji kukwata Kakahya ka Kalunga, vaze tupilishitu mukiko valingile, vana va Alone. Etu katweshi na lwola lwakutanga Echiko, kaha natulovokamo

hakachi kamusana, etu tukwechi minyutu twende kaha. Kaha vase vana va Alone vase vakwachilenga kaze—kaze—kaze Kakahya ka Kalunga, shikaho vakiko kavahashile kumbata pwevo uze vakwachile kuli lunga weka ko. Kalunga wakuzeneka kwalumuka ahanjika ngocho. Vakiko kavahashile kumbata pwevo mukwavo weka, kaha pwevo vamukwachile lyehi kuli lunga, kusolola muchifwanyisa hano, kachi ove unatondo kumona echi, eli Liuka lya Kalunga wakuyoya lyatela kupwa litoma, lyakuzeneka ujila, likiko Lizu lya Kalunga, kaha keshi chikungulwilo chize vakwataho lyehi kuli lunga.

²²² Talenu, echa tutangenu hano. Ngwatondo kumbata echi kuli enu. Mateu 5, Yesu kuhanjika hano chumachimwe chize vene chapwa chachilemu. Etu twatondo kumona echi, Matewu 5. Ngwasonekanga hami . . .

²²³ Ngwasonekanga hamwe vyuma vimwe Ngwapwile nakuya nakuhanjika hakupwa kaha muthu, shikaho lwapwile lwola lwalundende nakuhanjika shimbu kanda vandumbu vamapwevo. Oloze Ngwatondo ku—kuya kuno jino shimbu kanda . . .

²²⁴ Jino, ndumbu wapwevo, Ngwatondo kumihaka muchihela muze Lizu lya Kalunga vamishikile enu, kaha enu mwamono jino enu twamenu muli echi chihela, nawa.

²²⁵ Matewu 5:32. Ngwatondo enu kotalisa hano, kukafwa echi chishinganyeka chochimwe cha “umwe” na “vavavulu.” Matewu, seti- . . . Ngwashinganyeka chili mu Mateu 5:32, 31 kuputuka na.

Vambile nawa ngwavo, Wose mwatumbika pwevo lyenyi, amuhane mukanda wakujaha ulo:

²²⁶ Ou ikiye Yesu kuhanjika, uze Umwe ngwenyi, “kufuma kumaputukilo.” Jino tala.

Oloze Ami nangumilweza ngwami, Wose mwatumbika pwevo lyenyi, chakuzeneka . . . mulonga wa ujila, mwamulingisa kupwa muka ujila; . . . (talenu) wose mwatumbika pwevo lyenyi, chakuzeneka . . . mulonga wa ujila, mwamulingisa kupwa muka ujila: (Mwomwoika? Ikiye mwakaya cheka nakusomboka.) kaha wose mwambata pwevo vanatumbika lyehi mwalinga ujila.

²²⁷ Talenu, ikiye akwechi lunga wakuyoya, shikaho naumwe muthu nahase kumumbata. Chakuzakama chumamuka ikiye alinga kaha ikiye hiya, ikiye akwechi lunga wakuyoya, kakweshi chihela cha ikiyeko. Oloze, echi kacheshi ngochoko, hali lungako. “Mwamulingisa pwevo,” keshi lungako. Chikwatenu echi? Enu mwatela kulingisa eli Lizu kutwalilaho lika. Talenu, kakweshi chuma nge keshi kuhasako, oloze pwevo keshi kuhasko. Talenu, “mwamulingisa pwevo,” keshi lungako. Omu mukiko yahanjika Mbimbiliya, “kumulingisa pwevo.”

Kavamuvukile lunga kumbata chekako, oloze “pwevo.” Mwomwoika? Kulishitu muchifwanyisa.

²²⁸ Talisenu, yinahanjika nge lunga keshi kumbata chekako, kuvangila sanda. Ikiye nahase kumbata. Lunga nahase kumba-. . .ikiye hanase kumbata cheka kuvangila sanda, oloze ikiye katela kumbata pwevo lya muthumweko. Nduma mwane. Kaha kachi ikiye mwambata pwevo wakulukuluka, ikiye mwapwa nakuyoyela muujila, Kangwazakamako ikiye napu hiya. Eyi Mbimbiliya yahanjika ngocho, “Wose mwambata pwevo vanatumbika, mwayoyela muujila.” Aha hakiko jino, tachikizenu kulukulula chauchiko.

²²⁹ Talenu kuze kunyima, “kufuma kukuputuka,” jino? Kumbata cheka, jino talisenu, lunga nahase, oloze pwevo keshi kuhasako. Nge Ndavichi, nge Solomone, nge kutwalilaho lika na Mbimbiliya, jino, chochimwe nge Ndavichi na vosena muli vakiko.

²³⁰ Jino enu talisenu mu Kolinde Watete 7:10, tachikizenu, Paulu amulwekele pwevo uze ali, mwalukulula lunga lyenyi, atela kutwama mujike mokomoko kukinduluka cheka, katela kusomboka chekako. Ikiye atela kutwama lika mujike, mokomoko kupwa wakukinduluka cheka kulilunga lyenyi. Ikiye katela kusomboka chekako. Ikiye atela kupwa mujike, oloze, talisenu, ikiye kahanjikile hali lungako ko. Talenu, enu kamweshi kuhasa kulingisa Lizu kulyongako. “Kufuma mukuputuka,” lushimbi lwa usunda lwapwa lwa luhali. Jino, eli Lizu lya Kalunga lyatela kupwa muchano na tengeso ya Kalunga, kutwalilaho lika.

²³¹ Talenu omu kuli shikola yimwe yili nakuya kumututuko, kaha mukwavo ayile kumulauko, hali echi? Enu mwatela kwiza ku Muchano, nakuwana omwo chili.

²³² Echi chapwa lika mujila kana, eyi ikiko chivwasano na Kalunga kufuma kukuputuka. *Chatete*, shimbu kanda kuputuka, kufuma kumaputukilo kuze kwapwile umwe na umwe kaha. *Hanyima* ya shili yengililemo, kahajino kuze kwapwile lunga umwe na lizavu lya mapwevo; kutwalilaho mujila kana muchisemwa, ava tunyama, kaha vathu na ou musonyi unapu kanyama. Etu twapwa tunyama vakuzuma manyinga, etu twatachikiza ngachize, etu vosena, talenu, kaha echi chapwa lika tengeso ya Kalunga mukutwalilaho lika.

²³³ Oloze jino hakupwa Tutachikijilo vanatusokolola, eyi Shipilitu ya Muchano kututetekela etu muli eli Lizu. Echi chinalumbununa mwomwoika echi kuluwisa chinapungako lika kuhita muvisemunino vyosena, mwomwo Tutachikijilo twapwilenga twakuhona kusokolola, Echi kavachisolweleko. Echi chinapu muchano.

²³⁴ Talisenu, enu, enu kamweshi kuhasa kulingisa muvwimbimbi kuhona. Nge omu Ngwanangwile kuli enu

ufuku unahichi ha muvwimbimbi kusoloka hamavu, watela kwiza nakulovoka hazevene. Nakukaya nakupwa ngachilihi muvwimbimbi wa njamba kwiza nakuhita hamavu, kaha pwevo wamundende, lunga wakuhema kwiza nakulovoka nakupwa njamba, mokomoko njamba kupwa wamundende, lunga wakuhema?

²³⁵ Jino kachi enu namuya nakutalisa echi muchifwanyisa chakukupuka.

²³⁶ Jino, kuze kwatwama pwevo wamuchano, pwevo wamuchano, sanda, uze mwasomboka kuli lunga lyenyi, kaha nakuyoya, kaha ikiye napu chuma chakukisula kuli muthu. Kachi Kalunga ahanyine mwa Neyi chuma chambwende chakuhambakana pwevo, Ikiye kachi amuhanyinecho.

²³⁷ Oloze ikiye vamutunga kupwa vilinga vyausunda, kaha kakweshi kanyama weka watunga ngachizeko. Kakweshi tengeso hano hamavu vatunga ngachize. Ou ukiko mulonga enu muli nakumona luhali, mwomwo ya chize. Echiko chanehele elu luhali nakwingilamo.

²³⁸ Jino tala, mumakumishilo akukekesa, tala, kuli Yesu Kulishitu umwe (echi chakwoloka?), Lunga umwe, Kalunga, Emanuwele. Ove wafwelela echi? Oloze mamembala ja Pwevo Lyenyi vavavulu, talenu, masauzande na masauzande na masauzande (echi chili chakwoloka?), Pwevo Lyenyi, uze Mwenga, eli Liuka. Enu munevwushisa jino?

²³⁹ Ou ukiko mulonga Ikiye ambile na Alama, shimbu kanda usunda upwengako mokomoko, vaunehe, “Kuuvulisa, vakazalise hamavu,” omwo ikiye apwilenga muze mukuputuka, omwo ikiye apwilenga na lunga na pwevo muliikiye lika. Kuze, chinasoloka jino nge Mwenga atela kwiza kufuma mu Lizu, ha kuvulisa cha mushipilitu, kuvulisa, talenu, kuzalisa hamavu.

²⁴⁰ Jino muvilinga vya usunda, talenu, awa mashikola akwechi vyuma vivali vinalifutula. Shikangaho ove kaweshi kuhasa kulinga echiko, enu mwatela kuchineha cheka ku Muchano wa echi, “kukuputuka.”

²⁴¹ Kaha kumakumishilo nakuya nakupwa Mwata Yesu umwe, kaha Mwenga Wenyi wamuvulu, umwe. Enu mwachikwate echi? Kuze kwapwilenga Ndavichi umwe halitanda limwe, mwangana umwe (wahamuchima wa Kalunga Ivane) na mapwevo faifi handulendi. Yesu kutwama ha Litanda Lyenyi (Haleluya!) mu Likombakaji, na Pwevo; nge muze chapwilenga mukuputuka, kutenga kufuma mumavu, ha livoko lya Kalunga wa Undume, muze mukusanguka, cha mamembala vavavulu. Aha hakiko uli.

²⁴² Mapwevo, kweseka kupwa ngachize, kwiza muli Kulishitu, jino enu namuya nakupwa majilo kulovoka kuze. Oloze chikalu kaha ove unapu membala waliuka kweseka kuyoya muujila na mukuwaha, ovelyavene, ove lyavene kaweshi kukahasa kuchilingako. Chipwethuhu muthu nahase kuchilingisa echi

kusali ya Kulishitu. Nge Paulu atwalileho nakuhanjika ngwenyi, “Oloze kuze, muli Kulishitu, kamweshi lunga numba pwevo.” Vakiko vosena vanapu umwe.

²⁴³ Oloze kupwa na *Kulimbata Na Kulukulula* kupwa chakwoloka, shikaho nge enu munatachikiza chuma chakwoloka na chakuhenga, jino Ikiye hatoma kusolwesa hano muli evi vifwanyisa. Kuli umwe Kulishitu, kaha mamembala vavulu wauze Pwevo. Talisenu, Ikiye nahase kufumisa ujila wamushipilitu na kunangula chakwonga, kala lwola Ikiye natondo; oloze omu mwosena ove naweseka kumuhaka Ikiye kweka, kaha kuchilingisa? Lunga nahase kutumbika pwevo lyenyi na kumbata umwe weka; oloze keshi pwevo wakatumbika kuli lungako na kumbata mukwavo. Talenu mivwimbimbi yosena na miyachi yili vene yakukupuka nakupwa hamwe? Talenu tengeso yatete; keshi chakufuma kuli umweko. Keshi liuka ko; ou Mwenga kuhichila mu Lizu. Keshi uze pwevo; uze lunga, lwola lwosena. Echi chikiko kanda lyehi kuhanjika kalachuma hali lunga kulinga echi; echi chili lwola lwosena pwevo. Muze mukiko vene.

²⁴⁴ Oloze ikiye nahase kupwa Mwenga wa Kulishitu, ha kupwa...Kaha anuka, ikiye kupwa chihanda cha lunga, eyi Mbimbiliya ngwayo ikiye nahase ku-...“Chipwe ngocho Kangweshi kwitavila pwevo kunangulako, mokomoko kupwa nangolo hali lunga, oloze apwenga wakulu. Mwomwo Alama apwile watete kutenga, kaha numba Eva. Kaha Alama kavamuhungumwishileko, oloze chakufuma muli ikiye vahungumwishile. Oloze chipwe ngocho ikiye navakamulwila *kachi* ikiye mwatwalilaho mukujila nakuunda, na mukusema chenyi vana,” mwomwo jino ikiye ejile nakupwa chihanda cha lunga. Omu mukiko cheji kunehanga . . .

²⁴⁵ Mwomwoika Apalahama . . .Mwomwoika Kalunga ahonene kujiha Sala kutwama kuze, kukana, kaha kupwa muze vene kumeso a Kalunga? Kutwama kuze nge Muthu kaha, kulya nyama, kulya mbolo, kunwa mavele, kaha Ikiye ngwenyi, “Mwomwoika Sala nasehela kunyima kuze,” kuyima Yenyi, muze mumbalaka, Ikiye kanda lyehi ngumumone, “kuhanjika echi, ‘Nachiya nakupwa ngachilihi?’”

²⁴⁶ Ikiye ambile ngwenyi, “Kanda lyehi nguhanjike echi!” Mamalelo, ooho, yami! Mulweke Kalunga nge Ikiye napu mukakwonga, ku meso Eyi? Oloze Ikiye kahashile kumumbata ikiye. Mwomwoika? Ikiye napu chihanda cha Apalahama. Amena. Ikiye kahashile kumukolesako chakuzeneka kukolesa Apalahama.

²⁴⁷ Jino enu mapwevo talenu okwo enu mwafuma. Kaha eyi Mbimbiliya yahanjika ngwayo, “Enu mapwevo pwenu nge omu apwilenga Sala, kulilenga chenyi mwakalemesa, ayoyele mwakushishika kaha muchano kuli lunga lyenyi ivene,

kumuzanga chikuma nge ikiye...ikiye amusanyikile ikiye kupwa 'mwata,'" mukakuyula, mwenyacho.

248 Kaha enu, mapwevo vamwe, kuvwalo uvwalo wamwaza na kupwa hano kumbila ove lyavene kumeso a lunga. Yesu ngwenyi, "Wosena mwatala hali pwevo na kumuvwila lushiusiu nalingi nenyi ujila mukachi ka muchima wenyi." Jino hiya ali namulonga, lunga mokomoko ove? Ikiye napu lunga, shikaho ikiye atala kupwa na evi vilinga, talenu; kaha enu mapwevo, nge watela kukana.

249 Kaha mwomwoika weji kulihaka ove lyavene nge ngachize? Echi kacheshi chamwazako, enu munatachikiza kacheshi kulingikako, omwo enu namupwa chimbwa kututa nakufwa na jize jiputula vanavwale. Talenu kacheshi kuhasa kupwa chakuundako. Jino chumamuka echi? Echi chili chamajilo! Enu kamweshi kuhasa kwitavila echiko, oloze eyi yinapu Mbimbiliya yahanjika ngocho. Echi chinapu Muchano. Awa anapu shipilitu ya majilo yili muli ove. Ove kaute kupwa na majilo; oloze enu kamweshi nakutachikizako, mushipilitu enu munapu majilo, mwomwo enu muli nakulihana enu vavene kumajilo.

250 Jino, lunga, kashinakaji, majilo, hamambuli, kaha kachi ikiye kapwile numba na uvwaloko, echi kacheshi kuhasa kupwa n chihandwako, mujimba wenyi kapwile wakulimbwisako. Mwomwoika? Ikiye apwilenga mukutenga chivene, vilinga; atela kupwa, talenu. Oloze, enu munapu chumachakufuma kuli lunga, kulimbwisa.

251 Kalunga, nguvwile keke! Mamalelo, yami, aka kaye kashili! Nanguya nakupwa wakuwahilila omwo chili.

252 Talisenu, Ikiye nahase kuhaka pwevo Lyenyi kala lwola Ikiye kutonda, oloze ikiye keshi kumuhaka Ikiye nakufumako; Ikiye nahase kukulingisa, Ikiye nahase kungumbila mulukungu ha kala lwola Ikiye kupwa na chimbalanganyi, oloze, mamalelo, ndumbu walunga, Kangwatela kweseka kumbila Ikiye muze, Ngunakumisa.

253 Solomone ahashile kumbata kala pwevo uze wakuzeneka kusomboka, ikiye ahashile kumbata kala pwevo ikiye atondele kupwa nenyi. Kapilishitu ambachile kaha pwevo uze apwilenga sanda. Solomone . . .

254 Nge Ndavichi, ikiye ambachile (lijina lyenyi lika?) Abigail. Kupwa, kwapwilenga lunga vavulukilenga kupwa "chileya," ikiye apwile pwevo wamwaza, kaha ikiye afwile. Kaha Abigail vamumbachile kuli Ndavichi; ikiye apwile mwangana, keshi kapilishituko, talenu, shikaho ikiye—ikiye ambachile.

255 Oloze kapilishitu kahashile kulinga chizeko, mwomwo ikiye akwachile mokomoko pwevo kupwa pwevo lyenyi uze apwile lyehi pwevo lya lunga weka. Shikaho echi chinasolola usanda Waliuka lya Mwata Yesu Kulishitu, ou Mwenga atela kupwa wakuzeneka kulinaga ujila, eli Lizu, keshi Lizu

limwe kulihonaho. Punduvene. Munahase kushinganyeka mwenga wakwoloka, livele limwe lyauchiko, kaha, likwavo, chumachimwe chikwavo chakuhenga, munatachikiza? Ou kacheshi kuya nakupwa Mwenga wa Kulishitu ko. Ikiye ali wakukupuka. Ikiye apwa Lizu lyosena, keshi Lizu limweko kuholokela kumwe. Nduma.

²⁵⁶ Talisenu, Ikiye keshi kuhasa kumufumisako, oloze keshi kuhasa Ikye kumutumbikako. Ikiye achilingile, vanachinjikiza echi, mumakumbi omwo Luther, Wesley, na Pendekosita, omwo vakiko vakanyine kwiza nakupwa cheka chihanda cha Ikiye ha kupwa na kuyoya cha usunda wakushipilitu kwiza nakupwa nakwimita na chihanda cha Lizu. Enu munevwushisa? Ikiye akanyine. Eli liuka lya Luteleni vakanyine kupwa na Kulishitu kupwa nakufwila chachinene na ikiye; Luther akanyine echi. Kaha echa nguhanjike echi, kuya nakungusanyika chumachimwe mwosena omwo; shikaho mukiko chili na lelo na vosena, vakiko veji kuhona kumbata eli Lizu, vakiko vanakane Kulishitu!

²⁵⁷ Kaha kala pwevo mwakanyina lunga kupwanenyi na mwana, katela kupwa pwevo lyenyiko. Amena. Enu anukenu, mu Mbimbiliya, omwo mwangana ambachile Esther? Mwomwo lisano akanyine, ikiye vamumbachilile umwe weka. Kaha omwo uze... Chumamuka chasolokele omwo ikiye akanyine kwiza hamwe na mwangana na kumwonoaka ikiye? Chuma chochimwe na pwevo uze kukana kupwa pwevo kuli lunga lyenyi.

²⁵⁸ Kaha shikaho nachipwa ngachize na liuka lize linakane kwiza nakupwa lyakwimita muchisemunuino chize etu jino tuli nakuyoyelamo, kuneha nenyi vana va chisemunuino. Etu tunapu keshi nge va Luteleniko, etu katweshi va Wesleys, chipwe etu tupwenga va Chipendekosita ko! Etu twatela kupwa vana va chisemunuino, kuhichila mu kwimita cha Lizu lya Kalunga, kuneha cheka Vana vachino chisemunuino, ou Mwana wa Mbuto. Amena. Ngunatalilila enu kwivwushisa. Kahashile kupwa wakwimitako, nduma, shikaho chumamuka Ikiye alingile? Kumufumisako, mu kululukulula. Echi chakwoloka. Oloze ikiye kazangile kumutumbika Ikiyeko. Ikiye amutumbikile.

²⁵⁹ Ikiye ayile lika nakusolola Lizu Lyenyi kupwa Mujimba, kaha kwinjikiza Ikiye, youmwe, hali Lyavene. Vana venyi kupwa kusoloka kupwa nge kusoloka kupwa nge Ikiye, mwomwo Echi chinapu chakukula, mokomoko, vakiko kwiza nakupwa vana va eli Lizu, keshi vana va liuka ko. Vana va eli Lizu! Kaha ou Mwenga mwaya nakupwa wakuzanga chindende Pwevo wakalemesa wa Lizu, wakuzeneka kulinga ujila, keshi wakukwata kuli kala muthuko wa chikungulwilo, kala kujina cha muthuko. Ikiye mwaya nakupwa utoma, Mwenga wa Lizu! Amena kaha amena! Ngwatalila enu kupwa, kulovoka mupeho.

Ikiye mwaya nakupwa mwana wapwevo wakwimichisa kuli Kalunga.

²⁶⁰ Talenu chuma kana omu chapwa chaulemu kuli pwevo nahase kupwa? Talenu chuma kana chatozwa mu liuka, oloze enu mwamono kulihi kuli majilo anamuwane ikiye? Kahajino kweseka kupezalisa lize liuka haze na Liuka hano, enu kamweshi kuhasa kulinga echiko. Kaha kweseka kupezalisa liuhule wajila na Liuka lya kuyoya lya Kalunga; mokomoko pwevo, pwevo wakwoloka, na lihule?

²⁶¹ Mwomwoika muli chuma kana nge ngachize? Elu lunapu lushimbi lwa Kalunga, lushimbi lwakulimbalaka. Etu natwijiva ngachilihi mwakusuulukila na musana kachi kakwapwile ufukuko? Natuya ngachilihi nakutachikiza mwakusuulukila na ngonde ya changa kachi kakweshi vuluko? Natuya ngachilihi nakutachikiza mwakusuulukila na kalesa ka pwevo wamwenemwene, kachi kakwapwile umwe wamajiloko?

²⁶² Atwalileho kusolola Echi, kusolola Lizu Lyenyi, oloze kakwapwile umwe wetu esekele kumutumbikako Ikiye na kumbata weka.

²⁶³ Jino punduvene echi chili hatoma mwomwoika kutachisa chosena chivali chakuhenga. Enu kamweshi kuchilingisa kupwa muli *eyi* jilako, echi chinayi; enu namuchilingisa kuya mujila *kana*, nachiya nakuhita helu lya lushiko. *Hano* hakiko hali lushiko, hano hakiko hali chuma chakwoloka. Eli Lizu kaweshi kulipika nalyoko. Lyatela kutwama nakutwalilaho jino, chipwa Mateu 28:19 kulimbalaka na Vilinga 2:38.

²⁶⁴ Jino, enu vamwe mapwevo, vamwe enu malunga, Nguna—Ngunatachikiza enu muli—enu muli nakukana na Echi. Mwomwo, munatachikiza, ove kaweshi kuhasa kuswekako jino. Ove kaweshi kuhasako.

²⁶⁵ Oloze echa ngumitwale chumachimwe. Kachi Mateu 28:19 ngwenyi, “Yenunga shikangaho, mukanangule mafuchi osena, kuvajimika vakiko mu Lijina lya Tata, na lya Mwana, na Shipilitu Wajila,” kaha vakiko valumukile, kaha kalamuthu uze apwilenga wakujimika apwile wakujimika chakulimbalaka na chize, kujimika mu Lijina lya Yesu Kulishitu, mwomwo chipwa kuhichila mu chisemunuino cha Mbimbiliya naha myaka seli handulendi hanyima ya chisemunuino cha Mbimbiliya, mbwe naku Kasulu ya Nicaea. Jino vakiko vetavijile jishimbi javathu. Chihandwa muka, kachi kachapwile chakusolokako?

²⁶⁶ Kaha enu munatachikiza Mukanda wosena, eyi Mbimbiliya yosena, chinapu kusoloka? Echi chikiko enu mwatela kutachikiza muchano mukachi ka umwe namukwavo, echi chili mwomwo Chinapu kusoloka. Kaha kusoloka chatela kupwa vene na Lizu, keshi kulimbalaka na Lizu ko. Enu ngwenu, “Chamwaza, Ngwa, echi vachisolwele kuli yami.” Kahajino

kachi chili chakulimbalaka na Lizu, kalyejile kufuma kuli Kalunga ko. Chize chakwoloka.

²⁶⁷ Jino kachi enu mwatondo kumbata Mat-. . . Mateu 16:18. Yesu ngwenyi, Lyavene, nge Liuka lyosena, Liuka Lyenyi, navakaya nakuyitunga ha kusoloka cha mushipilitu Lyavene, ou napu Lizu. “Nangwamba kuli ove ngwami, ngana ove yove Petulu. . . Kaha nyama na manyinga kavyakusolwele echi kuli oveko, oloze Tata Yami ali Mwilu nakusolwelacho echi ove. Kaha hali eli lilolwa. . .”

²⁶⁸ Jino, Ngunatachikiza, masepa jami va Katolika kuze, enu ngwove, “Vayitungila hali Petulu, kaha Petulu na chipositolo, shikaho, *Munganji mukananga*, mu chinangwilo cha chipositolo, nakutangisa.”

Va Kakulikanga ngwavo, “Echi vachitungila hali Yesu Kulishitu.”

²⁶⁹ Keshi kupwa wakuhandunuka, oloze mbata kaha vize Ikiye ahanjikile! Ikiye ngwenyi, “Nyama na manyinga kavyakusolwele echi kuli oveko, oloze Tata Yami ali Mwilu nakusolwelacho echi ove. Kaha hali eli lilolwa” (kusoloka cha mushipilitu cha omu lili Lizu) “Nanguya nakutungu Liuka Lyami; kaha vikolo vya hetese kavyeshi kaya na Kulinyikisako.” Pwevo Lyenyi kaveshi kukahasa kumwesekako na malunga veka. “Nanguya nakutungu Liuka Lyami, kaha vikolo vya hetese kalyeshi kukahsa Kulinyikisako.”

²⁷⁰ Kaha Avele na Kena, muze mumilemba ya Etene. Kena afumine mukukuhungumwisa chenyi, ikiye ngwenyi, “Jino, tala, Kalunga apwa Kalunga wamwaza. Ikiye atwama kwatwama tengeso yosena, shikaho Nanguya nakumbata makunde na jitamba, kaha Nanguya nakumbata na—na jitemo, kaha Nanguya nakumulingisa Ikiye kupwa kamenga wamwaza.” Lize likiko liuka. Ikiye afukamine hamavu. Ikiye afwelele Kalunga. Ikiye eji kulifukula kuli Kalunga, kuhaka mavoko eyi, kaha ahanyine mulambu. Ikiye alingile vyuma vyosena vya kulifukula nge omu alingilenga Avele.

²⁷¹ Avele atungile mwomumwe muyachi wa kamenga. Oloze omwo Avele anehele wenyi, ikiye anehele mwana mukoko. Jino, Kena ashinganyekele ngachize, kulingisa vitumbo vya shili, nge ise na naye nge valile muhako, nge omu vakiko vanangwile muze mulitepa. Oloze Avele, ha kusoloka cha Ukalunga, kutachikiza nge apwile manyinga alingile muze. Ha kusoloka cha Ukalunga! Kaha eyi Mbimbiliya ngwayo mu Hepelewu, kapetulu 12, kapetulu 11, nge, “Avele, ha lufwelelo,” (kusoloka) “ahanyine kuli Kalunga wana wakutamo kuhambakana Kena, hali chize Kalunga amuvulukile nge ikiye apwile wakwoloka.” Echi chakwoloka? Amena! Ndumbu walunga, ndumbu wapwevo, echi chili hatoma nge kalachuma chinahase kupwa, kuli yami. Kuli chuma chosena.

272 Jino ha *Kumbata Na Kulukulula*, talenu, echi chatela kusoloka. Palanga vanachisolola, enu munahono kutachikiza echi. Oloze Ikiye ashikile mumakumbi akumakumishilo, muli chino chisemunuino, nge mangana akuswamana anapunga akusweka mu Mbimbiliya nawakaya nakuwasolola. Vangahi vanatachikiza echi? Kusoloka, kapetulu 10! Yesu ashikile echi, nge vyosena evi mangana akuswamana ha—ha *Kumbata Na Kulukulula*, vyosena awa mangana akusweka aze anapunga, navakaya nakuwasolola mulwola lwamakakumishilo. Jino enu anukenu, lize Lizu ngwalyo, “Yako ku Tucson.” Anukenu chize Kumunyika chakukomwesa muze muutangatanga? vaze Vangelo vaseveni kuze? kukinduluka, kaha kusokolola cha Tutachikijilo twa Seveni. Talanu chuma muka chinakusoloka. Ou unapu muchano.

273 Jino chindende kaha halutwe. Oloze jino, mwivwulilenu! Ngunatachikiza elu lunapu lwola lwa kuya nakulya, oloze Nguli kaha nakulya chamwaza.

274 Talisenu, jino, uze pwevo ali muchihela chenyi, kaha ikiye apwa lilolwa lya ndando yayikalu. Solomone, ou lunga kana apwile na mapwevo sauzande. . . mokomoko apwile na sauzande ya mapwevo, pamo, ikiye ahanjikile echi, “Nge lunga nawane pwevo, nawane chuma chamwaza.” Ikiye ngwenyi, “Pwevo wamwaza apwa lilolwa lya ndando yayikalu mumuchama wenyi,” echi chinapu kavumbi. “Oloze wakuzeneka kwoloka napu meya mumanyinga,” akiko kuyoya chenyi. Ikiye ambile ngwenyi, “Kunahase kupwa lunga umwe wakwoloka wakuwana mukachi ka sauzande,” Solomone ahanjikile echi, “oloze,” ngwenyi, “ove kaweshi kuwana pwevo umwe wakwoloka mu sauzande.” Solomone ahanjikile chize, talenu. Jino tachikizenu echi, omu mukiko chili.

275 Oloze, enu mwamono, pwevo, enu muli—enu munapu lilolwa lya ndando yayikalu kachi ove unatondo kupwa lilolwa lya ndando yayikalu, oloze kufwila chatela kupwa na ove. Kaha mwamono mwomwoika *Kumbata Na Kulukulula* chapwilenga, nge Yesu enyikile kunyima okwo, echi chapwilenga ngocho mwomwo chikiko chanehele shili josena. Ou ukiko mulonga luhali na kulukulula, na vyuma, vyaputukile. Ha kuputuka kachapwilenga ngachizeko, kaha kacheshi kukapwa ngachizeko namukaye nakakezaho.

276 Tala hali Yakova, kufuma muli ikiye mwalovokele vakakuluka jetu. Ikiye apwilenga nalizavu lya mapwevo. Ikiye ambachile songo namukulwane, kaha apwilenga na mapwevo waujila, mapwevo vene vakumbata ayoyele navo. Kaha vaze vakakuluka vapwilenga jetu valovokele kufuma muli vaze vene mapwevo waujila. Echi chakwoloka? Talenu, enu mwatela kulingisa Lizu kupwa mukusungama.

277 Mamalelo, Ngukwechi mapapilo hali akiko. Kachi mukakutangisa umwe aguhulile vihula hali echi, kaha etu twapwile hamwe, etu twahashilenga kuhanji hali echi. Oloze punduvene, kachi ikiye akwechi kala muthu mukashipilitu, ikiye nahase kumona hano nge ou unapu Muchano. Kakweshi numba chihula kuli Echiko.

278 Pwevo wamwaza napu chuma chamwaza. Ngunatachikiza ngachize. Ngunatachikiza echi ha pwevo ivene. Ngunaliwane na pwevo wamwaza uze napu wamwenemwene, kupwa kaha wamwenemwene nge kala muthu uze atambukaho lyehi.

279 Ikiye napu chihanda kaha chihanda cha ikiye, kaha mukuholoka ikiye evwulilile kuli ikiye. Ikiye kupwa... Ikiye napu chihanda chenyi. Oloze, chinapu kuli ikiye, ikiye vamutunga mangana apwenga wamajilo, kaha ikiye vamuhana lisesa lya kukana mokomoko kwitavila. Chize chakulimbakala na chisemwa chatete chmaputukilo, talenu, oloze enu muli.

280 Jino echi chili twolufu koloko, shikaho Nanguya kaha nakuseza vyumachimwe hano ha minyutu yayindende. Ngwatondo kumihula enu chuma chimwe.

281 Jino, anuka, Nanguhanjika echi kuli lizavu lyami kaha. Kaha kulovoka mupeho, Ngulinakuhanjika echi kuli vami vakakungukava yami. Ou Mujimbu uli kaha kuli vakiko, kaha chuma muka Nguli nakuya nakuhanjika hano.

282 Kahala mukakuzata, ikiye, chili hali ivene, yaah, ikiye napu kafunga kautanga, echa ikiye alinge kalamwosena ikiye natondo. Echi chinapu cha ikiye na Kalunga. Kala kapilishitu, kala mukakunangula, chili kuli ove, ndumbwami walunga.

283 Nguli kaha nakuhanjika hano mu Jeffersonville, chihela chimwe Nanguhanjika echi hali, mwomwo chinapu mautanga ami lyavene. Echi cha utanga ou Shipilitu Wajila nanguhane kwivwushisa kwivwushisa kusali ya tungalwiji, kaha Ikiye mwakaya nakunguhula hali vakiko. Kaha vathu vami vosena vanapu vami vakwalumuna na kusali ya lifuchi, vaze Ngutwaminyina kuli Kulishitu. Kaha, vana vavandende, Nguli hano ngumikafweko enu, kaha Ngwapwa sepa lyenu. Enu munahase kushinganyeka Nguli nakuhanjika mwamupi hali enu; Ngulinakuhanjika echi, talenu, chakuwaha chenu. Ngwamizanga. Kaha kachi kachapwile ngchocko, Kalunga ikiye napu Mukusopesa. Munatachikiza nge Ngwamizanga.

284 Echi chinapu chuma chachikalu, Ngwahonene kutachikiza nomu mwakuchinehela. Chuma muka Nangukalinga, ohonyi Ngukwechi malunga na mapwevo vanatwame hano muchikungulwilo chami, vamwe vavo vanapunga vakulimbata kapapa kavali mokomoko katatu? Malunga vamwaza na mapwevo vamwaza, vosena kulifutula! Chuma muka chalingile echi? Kunangula cha kwonga, mukiko vene, kuhona kuvandamina hali Mwata.

²⁸⁵ “Chuma Kalunga nanungu hamwe, kanda muthu mwakahandununako.” Keshi echi nanunga muthuko; chumamuka “Kalunga” nanungu hamwe! Nge ove mupwa na kusoloka chakufuma kuli Kalunga, uze napu pwevo lyove, kaha chuma chochimwe, echi chinapu chove, chiyoyelo chove chosena. Talenu? Oloze chuma muthu nanungu hamwe, kalamuthu nahase kuhandununa. Oloze chuma Kalunga nanungu hamwe, kanda muthu atela kukwatahoko. “Kala chuma Kalunga nanungu hamwe,” Ikiye ambile ngwenyi, “echa kala muthu atela kuhandununako.” Keshi chuma chitakwa cha chambamilonga mokomoko chumachimwe nawa nahake hamwe, mokomoko mukakunangula wakulimbuka nalizavu lya jishimbi jauthu mumukanda, uze nahase kuvecha kulinga kala chuma muno mukaye, kaha eli Lizu lya Kalunga kupwa haze vene. Talenu? Nguli nakuhanjika hali chuma muka Kalunga kulinunga hamwe.

²⁸⁶ Jino Nguli nakuya nakuhanjika echi kuli enu. Ngunapu wakupakakako muchima kuchuma Nguli nakuhanjika kuli enu. Kangweshi nakutwala nge kupwa wakukenyuka na enu vathuko. Kangweshi nakutwala kupwa wakukenyuka na enuko, vandumbu vamaalunga tufunga. Kangweshi nakutwala muzeko. Oloze Ngunapu wakwimanyinako, hakutachikiza nge echi chinapu chakuhana mumavoko ami, kaha kachi. . . Kangweshi kuhasa Kuchikwachililako, kaha Ngunahono kutachikiza mwakuchihanyina Echi, kaha Ngunatachikiza nge eyi yinapu tepu nayiya. . . Mamaah, yami, Nanguya nakupwa wakulizanga, kusokolola eyi ufwishi, mwomwo hano chili nakwiza. Talenu?

²⁸⁷ Chochimwe nge omu chapwile ha *Mbuto ya Linoka*, oloze wanachinjikiza vene kanawa. Ngukwechi mapapilo hano, muli awa mapapilo, muli mapwevo muno vene jino. . . kaha namba mu—muze mwamunene. . . Amwe mazazu amauka amanene akwechi vifwanyisa vya maputukilo, linoka kulyanga mumahinji apwevo, kaha kwingila nomu yengilile muli ikiye; ikiye atwama nakwivwa chamumujimba na vyuma, chumachimwe chize lunga keshi kuhasa kumukwatako, na ou linoka wamunene wakulijinga hali ikiye, na vyangocho. Ou ukiko muchano. Kaha echi nakuya nakupilako lika, kaha nakuya nakupihya. Linoka, uze kapwileko. . . ikiye kahashile kupwa na kusavala na pwevoko omwo ikiye apwile linoka, oloze anuka. . .

²⁸⁸ Ngwapwilenga na kulipika likumbi likwavo na. . . keshi nge kulipika, kupwa kaha mukuzata mu Assembly of God na muhato wenyi, ngwenyi, “Ove unahenge, hali Chize.”

Ngwambile ngwami, “Chamwaza, Ngunahase kupwa. Ngunatondo ove kungulweka yami.”

²⁸⁹ Ikiye ngwenyi jino, ikiye ayile kulutwe na kuputuka kuhanjika hali chize. Chuma chatete munatachikiza, ikiye apwile lyavene wakujimbala. Kaha chuma chimwe ikiye ambile

ngwenyi, ikiye ambile ngwenyi, “Ndumbu walunga Branham, kulihi kuli muyachi kana? Kalunga ambile ngwenyi ‘umwe wamuyachi kana.’ Jino kuli kuli muyachi kana enu ngwenu apwile mukachi ka muthu na kanyama, nge sayasi kayeshi kuchiwana ko jino? Kulihi ikiye ali?” Ambile ngwenyi, “Ikiye ali hano hamavu? Ikiye apwile phombo?”

²⁹⁰ “Nduma, mwomwo manyinga a phombo kaweshi kuhsa kulinunga na a pwevo, kakweshi kanyama nahase kulinga na pwevo. Nduma, kaweshiko, chipwe mbuto ya lunga kulinunga na—na pwevo. Kaweshi kuhasako.”

²⁹¹ “Jino kulihi kuli uze kanyama kana? Jino, Kalunga ambile ngwenyi, ‘Echa vyuma vyosena kuneha muyachi kana.’”

²⁹² Ngwavandaminyine munyutu kaha. Kaha kuyemenyina cha Shipilitu Wajila ngwenyi, “Mulweke ikiye, ‘Echi chili hano.’”

Jino, hatete Ngwambile ngwami, “Chamwaza, echi chinahase kwiza nakupwa chakulimanyina.”

Ikiye ngwenyi, “Oloze, Ndumbu walunga Branham, chize, etu tulinakuhanjikaho ha Lizu, keshi ngochoko?”

²⁹³ Ngwambile ngwami, “Eyo, mwane.” Kaha Ngwambile ngwami, “Vakiko, mukiko vene, kuvuluka chize chikwavo, nge dinosaurs na—na va njamba, kaha vyangocho, vaze tunyama, vakakukundamina, chipwe, vakiko vanapu vakulimanyina, na vyangocho.” Ngwambile ngwami, “Echi chatela kupwa na chize.”

²⁹⁴ Ikiye ngwenyi, “Ndumbu walunga Branham, etu tulinakuhanjikaho mwakwijikiza Lizu. Kachi shili ili hano, kahajino, shili yatete, chatela kupwa hano nawa.”

²⁹⁵ Kaha Ngwambile ngwami, “Mwata Yesu, Ove wambile ngwavo, ‘Kanda kambata kala chishinganyeka chuma muka muya nakuhanjika omwo ove mwiza kumeso amuthu, mwomwo echi navakaya nakukuhana nacho muli elu lwola.’ Mwata, chuma muka Nangukahanjika?” Ikiye ambile ngwenyi, “Mulweke ikiye, ‘Echi chili hano.’” Chochimwe nge omu Ngwamwene vimweno ha kamenga.

²⁹⁶ Ngwambile ngwami, “Chili hano,” kuhona kutachikiza oho.

Ikiye ngwenyi, “Kulihi?”

Kaha shimbu kanda Ngushinganyeka, Ikiye ngwenyi, “Apwa linoka.”

²⁹⁷ Omu mukiko chapwile, mwomwo ikiye keshi cheka chisumako. Ikiye apwilenga wakushingiwa na kutambukila mujimo ha makumbi eyi osena. Ikiye ali hano. Echi chakwoloka? Kaha hanga muli chize chilinga kana ikiye alingile, kuze kuchili lika shili yoyimwe kuzata nakujinguluka pwevo, nge nausunda wa lunga nge ngachize. Kuze kukiko ikiye ikiye ali wakukingiwa na chiyoyelo na vyuma, omwo ikiye apwile na

kwivwa chamumujimba kuhambakana chumamuka kala muthu nahase kulinga.

²⁹⁸ Nanguya nakwimana kuze mwomwo etu tuli mulizavu lya kulifutula. Nanguya nakumbata malunga vamwe, Nanguya. . . etu natuya nakuhanjika hali echi chikuma. Ngukwechi mapapilo osena na vyuma hano vene, hano vene mulivoko lyami jino, kaha Nanguya nakumuneha kuli enu chimene chino. Ngwaya nakumbata likumbi lyamuundu muli echi, oloze Nanguya nakusoka jino mukuhanjika echi.

²⁹⁹ Echi cha liuka lyami kaha. Keshi lize linazeneka kupwa liuka lyamiko. . . Kaze kautanga kakandende kaze vangufwelela ami kaha nakungukavangiza, evi vinapu vyavo.

³⁰⁰ Likumbi likwavo, kutachikiza nge omwo Nangumilweka enu kalachuma, chatela kwiza MUKIKO MWANAMBE MWATA, kahajino Ngwapwile na Visoneka nge omu Ikiye achisolwele echi kuli yami. Oloze, “Mwata Kalunga, chumamuka Nanguhanjika ku chikungulwilo? Nanguya nakupwa na vihandwa. Lunga mwakaya nakwimana musenge na kulovoka muweluka, kaha kwosena nawa, ‘Ngunyenga Ngumuseze?’ Mapwevo, ‘Nguyenga Ngumuseze lunga lyami?’ ‘Chumamuka Nanguya nakulinga?’” Ngwambile ngwami, “Mwata, Nangulinga ngachilihi?”

³⁰¹ Chumachimwe chahanjikile kuli yami, “Yako kuze kupili, kaha Nanguya nakuhanjika nayove.”

³⁰² Kaha shimbu Ngwapwile kuze kupili, chakuzeneka kutachikiza kuze vene ku Tucson vakiko vapwilenga nakumona Chize. Oloze namba valongeshi vasanyikile vana kulovoka. . . mwanami wamundende na vakwavo, kufuma mushikola, kaha ngwenyi, “Talenu kuze muli ize pili! Muze mwapwile chuma chakwivwizsa woma kusoloka nge Livwi lingenguluka kukanduka nakuya muutangatanga na kukinduluka mwishi, kuya helu mupeho na kwiza cheka.” Upahu kuli Kalunga.

³⁰³ Pwevo lya Evans, uli hano? Ronnie, ove hano? Ngunakinduluka cheka kuno hano hami, ou mukweze walunga haze hakulanjila maji, haze hakulanjila maji haze ha Evans. Kaha shimbu kanda Ngutachikize ou kanyike walunga ali nakuya nakuhanjika, ikiye angutwalile hamahinji ami, ikiye ngwenyi, “Ndumbu walunga Branham, ove wapwanga kuze kupili, keshi ngochoko?”

³⁰⁴ Ngwambile ngwami, “Ove unatwale mulihi, Ronnie? Nduma,” talenu, kumona chuma muka ikiye apwile nakuya nakulinga. Lwola lwaluvulu vyuma vyasoloka, Kangweshi, ove kanda kuhanjika echi kulivathuko. Echi chineza nakupwa. . . Chuma echi, enu mwamono chuma kusoloka, cheji nakwiza nakupwa hatoma kuli enu. Talenu? Kangwavula kulweka vathu. Ngwambile ngwami, “Ronnie, keshi oveko. . .”

³⁰⁵ Ikiye ngwenyi, “Ngunahase kukulwekesa ove wapwanga.” Ambile ngwenyi, “Ngwasanyikile mama, kaha etu kwimana

hano kutala lize Livwi kusukama kuze, kuya helu nakushikumuka. Ngwambile ngwami, 'Chatela kupwa Ndumbu walunga Branham natwame muze kumwe. Uze ikiye Kalunga kuhanjika kuli ikiye.'"

³⁰⁶ Kaha mbongi yosena, vathu, kutala hali Chize. Halikumbi litoma chakuzeneka mavwe numba kumwe, na Livwe lingenguluka lyalinene kusukama kuze; kwiza nakushikumuka nge muyengo, kaha kukinduluka na kutanduuka.

³⁰⁷ Masepa, kaha jino Nguli nakusoka, enu munahase kufuma muli echi. Kuze kukiko Echi vachisolwele kuli yami, chuma muka Nanguya nakumilweka hano jino, shikaho kanda kujimbalisa Echiko.

³⁰⁸ Jino Ngulinakuhanjika kuli vakakungukava kaha, ou ali nakungukavangiza na ou Mujimbu kaha, keshi kuwelukako. Ngulaminenu echi kumeso a Kalunga. Kuli eli lizavu kaha!

³⁰⁹ Jino etu tunaliwane muli awamajilo mwomwoya kulumbununa chakuhenga chakunangula cha uthu. Echi chakwoloka? Ou ukiko mulonga mapwevo vanasomboka kapapa kavali, kaha enu malunga, mwomwo kulumbununa chakuhenga chauthu. Jino Ngwatondo kukulweka ove chumachimwe nge Ikiye angulwekele yami.

³¹⁰ Kaha kachi Kalunga, Tengi ketu, apwile nakunguhula ha chihula omwo Ikiye apwanga hano hamavu, Yesu Kulishitu; kaha omwo kapolofweto Kenyi mukakusokola ejile, Mose, muze mu Ejipitu, kuneha vana nakulovoka mu—mu Ejipitu, nakuvatwala mulifuchi lya lushiko; kaha Yesu ambile ngwenyi hano nge muze Mose amwene vathu muli ize seteko, kaha ikiye avahanyine nge vasoneke mukanda wakulukuluka, mwomwo ukalu mukiko wapwile. Mose awanyine, nge, "Echa ikiye etavize. . ." Kalunga etavijile Mose, uze kapolofweto atumine kuli vathu, kuhana echi kusoneka cha kuvalukulula.

³¹¹ Kaha mu Kolinde Watete, kapetulu 7, ha vasi 12 na 15, na kapolofweto wa Tesitamende Yayihya, Paulu, uze aliwanyine na chuma chochimwe muliuka, kaha ahanjikile echi, "Ou Yami, keshi Mwatako." Echi chakwoloka? Mwomwo ya seteko yakulukulula.

³¹² "Kukuputuka chapwilenga ngachizeko." Oloze Mose achitavijile, kaha Kalunga achitavilile kupwa chakwoloka. Kaha Paulu nawa apwile na lisesa, omwo awanyine liuka lyenyi muli eyi seteko.

³¹³ Jino enu mwafwelela Echi kupwa muchano, kaha kufwelela Echi kwiza kufuma kuli Kalunga! Kaha ha kwinjikiza cha Livwi Lyenyi na Mujimbu Wenyi ou nanehe kuli yami naholili, kachi Kalunga kapwanga haze hapili nakungwitaviza yami ha chuma chochimwe, nakwitavila enu mutwalileho mujila kana enu muli, kaha kanda namukachilingako! Yenu namapwevo jenu na kuyoya mukuunda, mwomwo lwola lunakumu. Echi

Kwiza cha Mwata chili hakamwihi. Etu katweshi nalwola lwakuhokola vyumako. Kangwazangile enu mukachilinge chekako! Nguli nakuhanjika ku chikungulwilo chami. Oloze kachi ove wasomboka. . . Kaha Kalunga apwenga chinjiho wa echi, haze hapili, nge Ngwatela kuhanjika Echi, kusoloka cha ngolo jaukalunga, mwomwo ya kusokolola Tutachikijilo twa Seveni, kaha echi chinapu chihula mu Lizu lya Kalunga. “Echa vakiko vatwalileho kuya omu vene vali, kaha kanda kavulumuna chekako!”

314 “Echi kachapwilenga ngchizeko mukuputuka.” Echa chakwoloka, kachapwile ngochoko, kaha kacheshi kukapwa na kusongo. Oloze mwishi ya seteko yakutona, nge ngamba ya Kalunga. . . Kangweshi kuvuluka amilyavene kupwa kapolofweto Kenyiko; oloze Ngwafwelela pamo, kachi Kavangutumineko, Nguli nakwala chikuku cha ikiye omo ikiye mwakeza. Shikaho mwishi ya seteko yakutona, Nangumilweka enu kuya kwimbo lyenu, na pwevo lyove jino. Kachi ove wawahilila na ikiye, yoya naikiye, zundulenu mavoko enu vana muwoma wa Kalunga. Oloze Kalunga amivwile keke kachi enu namukalinga cheka ngachize! Enu kanangulenu vana venu kanda navakalinga vyuma kana, nakuvaneha kumeso Kalunga. Kaha jino enu muli nge omu mwapwanga, echa etu tunyenu jino, kuchingoloshi nge etu vosena ngwetu tuli nakuyoya, kaha “kushinandakanya nakutwala hapopo yakusanyika muli Kulishitu,” kuze vyuma vyosena navyashiwa.

315 Palanga Nangumimono enu ufukuuno, ou Mwata Kalunga amikisule, shimbu etu natulomba.

316 Yehova Kalunga, etu tunahane Ove kukusakwilila. Etu twakukuhane kwalisa. Ove yove yomwe wamunene Yehova ove watevilile Mose. Mose, uze ngamba, kaha mwaya nakulweka ika vathu jenyi? Kaha, Kalunga, Ove wetavijile ikiye kuvahana mukanda wakulukulula. Paulu, uze kapositolo wamunene uze apwile mukakusoneka wa mu Tesitamende Yayihya, nge muze Mose apwilenga wa Mwaka. Mose asonekele Jishimbi na jishimbi javisemunuino. Tupolofweto vavavulu, mazu avo apwile mu Chikiko, oloze Mose kusoneka Jishimbi. Kaha Ove wetavijile ikiye akusonekele, kusoneka vakiko kusonekela mukanda wakulukulula, mwomwo ya kukaluhwa cha michima yavo.

317 Uze wamunene Mukakujila Paulu, hakupwa mukakusoneka Tesitamende Yayihya, kuhasa kupwa na kuhanjika chakutamo, nge, “Nanguhanjika mwishi ya chiyoyelo; Kangweshi, keshi Mwata ko.”

318 Shikaho mukiko chili na lelo, Mwata Kalunga, kusongo ya kaye, nge omu tuli hano mwishi ya keke ya Kalunga, kutachikiza echi hazevene etu twatela kukumbulula Kumeso Eyi. Kaha Enu munalingi echi chikuma, Mwata, Ngunakunyuka, kumeso ava vathu, vakiko navaya nakusukama kuli Echi nge

Echi chakufuma kuli Ove. Kaha hakupwa na unjiho hano lelo, enu vathu vavavulu mwatwame hano numba kumona chize Chinjikizo haze hapili, kuze Vangelo ja Mwata vejile mukakundukundu, kuze yejile muli Vangelo seveni, kuze kwasolokele Mangana akusweka a Seveni vavavungulwile; kaha uze Kangelo youmwe, muli ize jila, haze hapili yoyimwe, lize likumbi lize Echi chapwile kusoloka!

³¹⁹ Kalunga, Ngwalombo nge vathu navya nakupwa wakusakwilila nge Kalunga nahane likoji kuli vakiko. Ngwahanjikile kaha Echi, Mwata, kuhichila mukwitavisa. Kaha Nguli kaha nakuhanjika Echi kuhichila mukwitavisa, Mwata. Kaha echa vathu vapwenga vakusakwilila hali echi nge vakiko kaveshi kuhasa kulinga echiko cheka! Kaha echa vakiko kanda kweseka kulinga kala shili, oloze kukuzanga Ove na michima yavo. Mwata, lingisa eji jitanga kuwahilila, kaha vakole kaha vakalisa vana venyi muwoma Kalunga.

³²⁰ Mwomwo, Mujimbu wami ou watwama ha muchima wami ngunauhane, Mwata. Ngunalingi vyosena Ngunatachikiza mwakulingila. Kaha Satana nanguzungisa mumilungu, na jiola chakuzeneka kusavala. Oloze jino Ngunahanjika Echi, Mwata, kuli ava vathu, nge vakiko kutanga Echi, kaha kuya nakuyoyela hali Ove. Tuhane echi, Mwata. Echi chinafumu havifwinji vyami jino. Vakiko vali mumavoko Ove. Ngwalombo nge Ove uyenga nakuvakisula vakiko.

³²¹ Kisula awa malesu, Mwata, echi chili kaha chakutwama hano, mwomwo ya mukakuviza na kuyanjiwisa. Echa uno ufuku upwe umwe waunene, maufuku angolo, aze vathu vosena navaya nakupwa vakuhinduka. Tuhane echi, Mwata. Kisula etu hamwe.

³²² Echa etu tuyenga mukuunda, kuwahilila, nakuwahilila, mwomwo Kalunga ka tengeso natulweke etu “kufuma kukuputuka,” kaha nahane kuli etu, mumajilo etu awa etu tulimo, Likoji lyenyi cheka, muli ano makumbi amakumishilo. Ove Kalunga wamunene na Hayamyaka, omwo etu twasakwilila Ove hali echi! Kaha echa michima yetu yipwenga yakuwahilila, nge etu katweshi kukapwa nakufwila kulinga shili chekako hali Ove. Mu Lijina Iya Yesu. Amena.

Ngwamuzanga Ikiye, (Mwomwoika ove
muhonena ove kumuzanga Ikiye?)
Ngwamuzanga Ikiye
Mwomwo Ikiye avangilile kunguzanga
Kaha alanjile ulwilo wami
Ha Kavali . . .

³²³ Nanguchihanjika jino mangana vakakuzata vayenga nakwivwushisa. Echi chili kuli vakiko kukavangiza ou Mujimbu kaha!

³²⁴ Mamalelo, ove unawahilila? [Chikungulwilo ngwacho, “Amena.”—Muka.] Ngunamilweke Muchano, MUKIKO MWANAMBE MWATA, mujila yosena nakuhita! [“Amena!”]

³²⁵ Jino echa twimane na kuzundula mavoko etu, shimbu etu tuli nakwimba cheka, “Ngwamuzanga Ikiye.” Ngwamuzanga Ikiye ha likoji Lyenyi. Ngwamuzanga Ikiye ha keke Yenyi. Ngwamuzanga Ikiye ha Lizu Lyenyi. “Kaha eli Lizu lya Mwata lyejile kuli tupolofweto!”

Ngwa . . .

³²⁶ Twaya kuno, ndumbu walunga. Yako nakutwalilaho.



KUMBATA NA KULUKULULA LVE65-0221M
(Marriage And Divorce)

Ou Mujimbu kufuma kuli Ndumbu wa lunga William Marrion Branham, vawambulwile hakuputuka mu Ingilishi ha Chalumingo na chimene, Kutatu 21, 1965, ku Parkview Junior High School mu Jeffersonville, Indiana, U.S.A., vanaufumisa mu muzu vakopele ha tepu na kuusoneka mu Ingilishi chakuzeneka kuwalumuna. Echi kwalumuna Lilimi vachinungulwile vausonekele na kuupangila kuli vaka Kukopa cha Lizu Lya Kalunga.

LUALE

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenya mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org